


PA
3973
.M4K5

*Quid de iterata Medae
Euripideae.*

Editione sit indicandum.

Theodorus A. J. Klette.





Class PA 3973

Book M4K5

QUID DE ITERATA

MEDEAE EURIPIDAEAE

EDITIONE SIT IUDICANDUM.

DISSERTATIO INAUGURALIS

QUAM

AD SUMMOS IN PHILOSOPHIA HONORES AB AMPLISSIMO

PHILOSOPHORUM ORDINE LIPSIENSI


RITE IMPETRANDOS

SCRIPSIT

THEODORUS KLETTE,

CROSSENSIS.

Adolph Johann



LIPSIAE,
MDCCCLXXV.

PA 3973
MAK 5

Res, quam tractandam nobis proposuimus non nova est, nec nostris demum temporibus inventa, immo vero ea, quae iam a P. Manutii, saeclo sexto decimo florentis, temporibus ad hanc usque aetatem viris studiis veterum operam navantibus disputandi praebuit ansam, — quaestionem dico de iterata, quam usurpant, Euripideae Medae editione. At dicat quispiam, si ita res se habet, cur tam obsoleta nec nisi aegre iterum legenda rursus in medium fers agitanda? Res haec est. Si, quam sumus tractaturi, sic ab editoribus vel interpretibus uno tenore tractata exstaret quaestio, ut qualis sit eius status ac conditio, inde statim intelligi posset, ne verbo quidem eam attingeremus. Attamen vero eorum, qui huic rei operam dederunt, virorum commentationes, velut Wolperi, Boeckhii, Matthiaei, Elmsleii, God. Hermannii, Pflugkii, sic sunt compositae, ut ex omni parte, quid sit iudicandum, manifestum non reddant, cum et ipsi quaestiones magis amplificaverint, quam ad finem usque perduxerint, et praeter eos alii hic illic adnotationibus per occasionem allatis aut aliquid addiderint aut abrogaverint. Nec in eo, qui nuper est editus Weckleini libro ¹⁾, etsi multa in quaestionem nostram praeclare afferuntur, prorsus definita est disputatio. Itaque operae pretium videtur esse, ut ex dispersis ubique argumentis similia colligamus, contraria secernamus, inter se perpendamus, quid de iis sit iudicandum ostendamus, itaque eam, quae sit rei conditio, manifestam reddamus. —

1) Ausgewählte Tragödien des Euripides, Bd. I Medea.

Sed priusquam, quod propositum est, aggredi liceat, necessarium est, ut duas praemittamus quaestiones haud neglegendas nobis de duplici Euripidis Medea disserentibus. Ac prior quidem ad dubitationem pertinet, quam, quantum scio, primus movit Samuel Petitus¹⁾, qui falsa ac perversa interpretatione loci cuiusdam Athenaei IX. p. 453 commotus, Medeam quam habemus ab Euripide Mnesarchi filio abiudicandam, Euripidi minori, qui illius e fratre fuerit nepos,tribuendam esse censuit, de quo Suidas s. v. *Εὐριπίδης* *Εὐριπίδης τοῦ προτέρου ἀδελφιδουῆς, τραγικός, ὡς Διονύσιος ἐν Χρονικοῖς. δράματα αὐτοῦ ταῦτα Ὀρέστης, Μήδεια, Πολυξένη.* Athenaei, qui Clearchum Solensem sequitur auctorem, verba haec sunt: *ὥστε τὸν Εὐριπίδην μὴ μόνον ὑπονοεῖσθαι τὴν Μήδειαν ἐντεῦθεν πεποιημένην πᾶσαν, — de grammatica Calliae tragoedia agitur —, ἀλλὰ καὶ τὸ μέλος αὐτὸ μετενηνοχότα φανερόν εἶναι.* Euripidem igitur ad illius tragoediae exemplum suam Medeam scripsisse et trochaico, quo ea scripta erat, metro usum fuisse, si non etiam in ceteris, in melicis quidem Chori, interpretatur²⁾. Quod autem in ea, quam habemus, Medea, hoc poëtae studium, quod tamen maxime in eo dramate elucere scribat Athenaeus non animadvertatur, Medeam non esse Euripidis Mnesarchi filii concludit vir doctus. Qualis natura tragoediae illius Calliae fuerit, hic describere prorsus abhorret a proposito nostro. Nec nisi in coniecturis tota quaestio versatur. Quid ex Athenaei verbis concludi posset, Hermannus et postea Welckerus investigarunt, quorum prior³⁾ ex Athenaei loco, VII. pag. 276 A. *καὶ γὰρ Καλλιαν ἰστορεῖ τὸν Ἀθηναῖον γραμματικὴν συνθεῖναι τραγωδίαν, ἀφ' ἧς ποιῆσαι τὰ μέλη καὶ τὴν διάθεσιν Εὐριπίδην ἐν Μηδείᾳ καὶ Σοφοκλέᾳ τὸν Οἰδίπουν* — ‘non dubium esse demonstravit, de solis choris agi, quos, quod primaria tragoediae pars haberentur, τὴν Μήδειαν πᾶσαν dicere potuerit

1) Miscell. VI. cap. 15. — 2) Petitus pagg. 137. 139. — 3) In Observationibus de Graecae linguae dialectis, Lips. 1807.

Athenaeus'. Atque Medae carmen adscribit Hermannus, vs. 148—159 N., quod percommode ad Calliae exemplum constitui possit. Sed sive hunc sequimur sive Welckerum, qui totam rem ad iocum referendam esse putavit comici cuiusdam, fortasse Strattidis in Medea¹⁾, — nisi id constaret, Athenaei auctorem, quantum quidem videmus, Euripidem τὸν Πάνν in mente habuisse, quippe quem et aliis locis una cum Sophocle Calliam imitatum esse legimus²⁾, — aut alium quemquam scriptorem Clearchum significare voluisse contenderim, aut ut in aliis rebus enarrandis nimia in his quoque indiligentia et levitate usum eum fuisse censuerim³⁾. — Praeter Petitem Hieronymus Muellerus Medeam, quam habemus, ab Euripide Mnesarchi filio abiudicare est conatus⁴⁾, atque iis quidem argumentis, quibus alii duplicem editionem demonstrare studuerint. Quam ob rem infra de iis disputabitur. Sed omnis dubitatio de eo, qui Medeam conscripserit, versu totius fabulae primo tollitur, ab ipso Aristophane maiori Euripidi tributo, qui versus est:

Εἴθ' ὦφελ' Ἀγοῦς μὴ διαπτάσθαι σάραγος⁵⁾.

Alterum illud, quod praemittendum erat, a ceteris omnibus prorsus neglectum video, a God. Hermanno leviter tantum perstrictum, qui quidem primus⁶⁾ quaerit, quid omnino illud sit, correctam edere fabulam. 'Nam vel compositionem fabulae mutari posse, vel partes aliquas retingi, vel hic illic verbum aliquod aut versum minus numerosum corrigi.' Operae pretium est, has varias corrigendi rationes ab Hermanno tantum indicatas, brevibus illustrare, ac quid inter singulas intercedat, investigare.

1) Cf. Kleine Schriften I. S. 382 sqq. — 2) Cf. Dindorf. in Chronolog. Scenica, Metris Aeschyli etc. Oxonii 1842 edit. adjuncta, pag. 412. — 3) Cf. Schweighaueseri Animadvers. in Athenaei libr. X. pag. 453 E. — Ionsius. de Scriptor. Historiae Philosoph. I. cap. XVIII. 1 sqq. — Pflugk, Euripidis Medea, ed. II. pag. 6 sqq. — 4) Medea, eine griechische Tragödie etc. Erfurt 1811. — 5) Cf. Aristoph. Ran. 1419. Boeckh, Graecae Tragoediae Principum etc. pag. 166. — 6) In annotationibus ad Medeam, ab Elmsleio Lips. 1822 editam, pag. 404.

Totius fabulae compositio mutatur. Quod sic fieri potest, ut poëta qualibet causa commotus, ita denuo fabulam tractet, ut eius argumentum in universum idem, tractandi ratio diversa sit. Cuius rationis Euripidis ipsius habemus exemplum. Is enim, cum Choerilam in matrimonium duxisset, impudicitia eius commotus drama conscripsisse fertur, Hippolytum velatum, quo feminas acerbissime castigaverit¹⁾. Postea autem alterum, quod ad nos pervenit, drama scripsit, Hippolytum coronatum, in quo *τὸ ἀπρεπὲς καὶ κατηγορίας ἄξιον διώρωθαι*²⁾. — Haec altera editio Olymp. LXXXVII, 4 in scenam missa est, id est anno post Periclis obitum, nec veri dissimile est, quod Boeckh³⁾ docere studuit, Euripidem hanc fabulam consulto sic instituisse, ut et Periclis mortui et morbi nuper Athenis grassati rationem haberet⁴⁾. In diiudicanda autem hac ratione praeter alia id maxime videndum est, quantum temporis spatium inter priorem et posteriorem editionem sit interpositum. Quantum enim discrimen intercedat inter priores Euripidis fabulas et eas, quas posteriore aetate conscripsit, et alii docuerunt et God. Hermann⁵⁾, qui critico *‘antequam ad fabularum emendationem accedat, quo quaeque tempore scripta sit, et proinde, quantum in quaque studii aut incuriae ferri possit,’* investigandum praecipit. Quod quantum valeat, elucet. Nam si poëta fabulam prorsus mutat, ut quasi novam edat, hanc eam debere speciem prae se ferre manifestum est, quae in aliis eiusdem aetatis fabulis cernitur. Atque eo maius inter duas illas editiones erit discrimen, quo maius temporis spatium interpositum est. Neque vero credendum est, poëtam ipsum adeo secum dissensisse, ut etiam in singulis eiusdem aetatis fabulis prorsus diversam componendi ac dicendi rationem sequeretur. Cuius quaestionis disceptandae nova

1) Vita Eurip. in Schol. ed. Oxonii, vol. I. pag. 8, 7. — 2) Argm. Eurip. Hippol. — 3) l. c. pag. 180 sqq. — 4) Conf. Hippolyti finem et vss. 177, 190 sqq. — 5) In Observat. de Gr. linguae dial. pag. IX.

nuper sunt allata argumenta in Tych. Mommseni dissertatione ad quam infra nobis erit recurrendum ¹⁾).

Alius conditionis reliquae corrigendi rationes ab Hermannō indicatae sunt, quarum altera in refingendis quibusdam partibus dramatis cernitur, altera in corrigendis verbis vel versibus. His rationibus tum plerumque poëtas usos esse videmus, ubi eandem fabulam iterum edituri haec illa, quae displicerent, aut magis aut minus mutarent. In illis tamen investigandis summa cautione opus est, ne, nisi certissima accedant indicia, iis statim locis, qui offensiones habeant, de duplici editione cogitemus. Quousque autem licentia eorum vagetur, qui tales de quibus diximus corrigendi rationes ubivis invenisse sibi videantur, in perlustrandis iis argumentis apparebit, quibus ad demonstrandam iteratam editionem Medae fabulae usi sint. — His praemissis ipsam rem propositam aggrediamur.

I.

Disputandi de Medae quam habemus origine ansam praebuit Argumenti locus, quo legitur: *Τὸ δῶμα δοκεῖ ὑποβαλέσθαι παρὰ Νεόφρωνος* — sic cod. Flor. 31, 15; contra cod. Pal. 287 *παναιοφρόνως* et cod. H. *πάνν εὐφρόνως*, quae Dindorfio inepta grammatici coniectura videtur esse, ut *γενναιοφρόνως*, quod Brunckius edidit — *διασκενάσας, ὡς Αἰκαίαρχός τε περὶ τοῦ Ἑλλάδος βίου καὶ Ἀριστοτέλης ἐν ὑπομνήμασι*. Cod. Flor. scripturam, quae diu latuit, post Beckium, qui in *γενναιοφρόνως* latere putabat: *ὁ Σικωνίος Νεόφρων*, coniectura sunt assecuti Matthiaeus ²⁾ et Elmsleius ³⁾, qui quidem in constituendis ipsis verbis consensus non impedivit, quominus in interpretandis iis maxime dissentirent. Cum enim Elmsleius in verba *δοκεῖ ὑποβαλέσθαι Ἐυριπίδης* vocem supplendam esse censeret, ut Euripidem fabulam Neophronis recepisse et recensuisse verti posset, — quod quidem

1) Vid. Georg. Curtii recensionem, Jenaer Liter. Zeitung 1874, nro. 535. — 2) pag. 420 sqq. edit. — 3) pag. 52 edit.

cum eo congruit, quod Dindorfius in poet. scen. V ed. edidit: τὰ Νεόφρωνος —, Matthiaeus eum vituperat 'quod tragicum omnium ferme nobilissimum alienam, i. e. Neophronis fabulam sibi supposuisse putet.' Nec tamen illud ὑποβαλέσθαι se expedire fatetur Matthiaeus; pro ὑποβληθῆναι id dictum esse, vix esse credendum. Postremo et ipse 'an exciderit nomen eius, qui hanc fabulam supposuisse existimatus sit' quaerit. Certe excidit; nec aliud quam Euripidis nomen excidisse, vel potius supplendum esse, ex verbis quae secuntur, apparet: 'μέμφονται δὲ αὐτῷ', quae etsi nomen non sit allatum, ad alium praeter Euripidem referri nequeant. Cum his autem de Medea Neophronis traditis optime congruunt, quae duobus etiam aliis locis de ea commemorantur. Alter, de quo infra, Suidae est; alter apud Diog. Laert. II, 134 exstat, ubi de Menedemo agitur: 'πταλόνσιν οἱ λέγοντες μηδὲν αὐτὸν ἀνεγνωκέναι πλὴν τῆς Μηδείας τῆς Εὐριπίδου, ἣν ἔνιοι Νεόφρωνος εἶναι τοῦ Σικωνίου φασί.' Quae cum ita sint, mirum videatur, quod tot tantaque exstant virorum doctorum hac de re iudicii discrimina, nisi concedendum esset, de ipsius Neophronis aetate haud multum certi esse traditum. Nec omnino constat, utrum unus tantum fuerit Neophron, qui ante Euripidem vel eius temporibus vixerit an post Euripidis aetatem alter floruerit Neophron tragicus, Medae scriptor. Sed quamquam ob argumentorum inopiam haud multum certi ad lucem possunt proferri, tamen pauca, quae manifesta esse puto, quoad in rem nostram, colligere liceat, — quippe in qua disputatione cavendum est, ne ultra manifesti fines progrediamur. Certa, ac si Suidae fidem habemus, gravissima eius est adnotatio s. v. Νεόφρων ἢ Νεοφρῶν, Σικωνίος· οὗ φασὶν εἶναι τὴν τοῦ Εὐριπίδου Μηδείαν. ὃς πρῶτος εἰσῆγαγε παιδαγωγὸς καὶ οἰκετῶν βάσανον. Hinc elucet, Neophronem tragicum, qui Medeam conscripserit, qua usus est Euripides, ante hunc florere debuisse, quod primum eum paedagogos in scenam misisse Suidas narrat. Sed fuerunt, qui Suidae haec de Neophrone narranti fidem negandam esse censerent; inter quos et Matthiaeus est, qui cum

Lexicographi auctoritatem haud multum valere putet, 'in-
scitiae potius illud vel neglegentiae Suidae tribuendum esse
contendit, praesertim cum in aliis quoque rebus fidem non
servaverit' ¹⁾). Sed de iis quoque dubitemus, quae duorum
scriptorum, Suidae et Diogenis, testimoniis congruentibus fir-
mantur, nedum Argumenti locum commemorem? Nonne de
iis tantum dubitare sat erit, quae manifestas habeant offen-
siones? Quas quidem in iis, quae porro de Neophrone Sui-
das tradit, inesse, concedendum est. Ait enim: *συνῆν δὲ τὰ
μετὰ ταῦτα Ἀλεξάνδρῳ τῷ Μακεδόνι καὶ διότι φίλος ἦν Καλ-
λισθένης τῷ φιλοσόφῳ σὲν ἐκείνῳ καὶ αὐτὸν ἀνεῖλεν αἰκισμοῖς*.
Quae in eum, de quo egimus, Neophronem referenda non
esse apparet, cum qui ante Euripidem vixerit, Alexandri ae-
qualis fuisse nequeat. Quomodo hoc discrimen sit solvendum,
numquam certe diiudicabitur. Fortasse duo fuerunt Neo-
phrones, quorum alter Euripidis, alter Alexandri aequalis;
quae de utroque nota erant, aut neglegentia aut errore con-
iunxit Suidas. Nisi forte in iis, quae s. v. *Καλλισθένης*
Suidas tradit, investigandi veri inest ansa: *Διοτίμων. οἱ δὲ
Καλλισθένους, Ὀλύνθιος, μαθητὴς Ἀριστοτέλους καὶ ἀνεψια-
δοῦς. ὃν ἔδωκεν ἔπεσθαι Ἀλεξάνδρῳ τῷ Μακεδόνι. ὃν δ' ἐν
γαλεάργῳ σιδηρᾷ βαλὼν ἀνεῖλεν ἅμα Νεάρχῳ τῷ τραγικῷ,
διότι συνεβούλευσε μὴ ἐπιζητεῖν ὑπὸ Ἀθηναίων καλεῖσθαι
δεσπότης κ. τ. λ.* — Quod de Nearcho tragico a nullo
scriptore quicquam est traditum, fuerunt, qui in hac Suidae
glossa pro *Νεάρχῳ* '*Νεόφρονι*' legendum esse putarent. Sed
infirmissimo haec utuntur fundamento. Ideo nullo modo cum
Hartungio faciam, qui, cum quae maiorem veri similitudinis
speciem habeant, neglegat, ea plana ac manifesta putat, quae
summis difficultatibus sunt plena ²⁾). Haec eius verba: 'durch
ein seltsames Missverständniss ist bei den Gelehrten jetzt die

1) Cf. Elmsleium, pag. 53, qui Suidae non semper credendum
esse Pherecratis veteris comoediae poetae exemplo docet, quoniam cum
Alexandro militasse ait Suidas. — 2) Eur. Medea Griech. mit metr.
Uebers., Einleitung pag. IX, Anmerkung.

Ansicht verbreitet, dass Euripides dem Neophron sein Drama abgeborgt habe. Darauf hatte nämlich niemand geachtet, was Suidas ganz klar und deutlich berichtet, dass Neophron mit und bei Alexander dem Grossen gelebt habe.' Sed haec hactenus. — Jam vero investigandum nobis est, qua ratione Euripides Neophronis Medeam in suum usum verterit, — quae quaestio, quam instituere nequimus, nisi tria Neophronis fragmenta, quae habemus, ipsa inspiciamus, arctissime cum quaestione de iterata editione cohaeret. Duo fragmenta scholiastae, tertium Stobaeus tradiderunt. Schol. ad vs. 666: *Νεόφρων δὲ εἰς Κόρινθον τὸν Αἰγέα φησὶ παραγενέσθαι πρὸς Μήδειαν ἔνεκα τοῦ σαφηνισθῆναι αὐτῷ τὸν χρησμόν ὑπ' αὐτῆς τῆς Μηδείας γράφων οὕτως*

καὶ γάρ τιν' αὐτὸς ἦλυθον λύσιν μαθεῖν
σοῦ· Πυθίαν γὰρ ὅσσαν ἴν' ἔχρησέ μοι
Φοῖβου πρόμάντις, συμβαλεῖν ἀμηχανῶ.
σοὶ δ' εἰς λόγους μολὼν ἄν ἤλπιζον μαθεῖν.

Stob. flor. XX, 34: *Νεόφρωνος ἐν Μηδείᾳ*

εἶεν, τί δράσεις, θυμέ; βούλευσαι καλῶς
πρὶν ἢ ἑξαμαρτεῖν καὶ τὰ προσφιλέστατα
ἔχθιστα θέσθαι. ποῖ ποτ' ἐξῆξας, τάλας;
κάτισχε λῆμα καὶ σθένος θεοστηγές.
καὶ πρὸς τί ταῦτα δύρομαι ψυχὴν ἐμὴν
ὀρώσ' ἔρημον καὶ παρημελημένην
πρὸς ὧν ἐχρῆν ἥκιστα; μαλθακοὶ δὲ δὴ
τοιαῦτα γιγνόμεσθα πάσχοντες κακά;
οὐ μὴ προδώσεις, θυμέ, σαντὸν ἐν κακοῖς.
οἴμοι, δέδοκται παῖδες, ἐκτὸς ὀμμάτων
ἀπέλθου. ἤδη γάρ με φρονία μέγαν
δέδουκε λύσσα θυμόν. ὦ χέρες χέρες,
πρὸς οἷον ἔργον ἐξοπλιζόμεσθαι φεῦ,
τάλαινα τόλμης, ἣν πολὺν πόνον βραχεῖ
διαφθεροῦσα τὸν ἐμὸν ἔρχομαι χρόνῳ.

Schol. ad vs. 1387: *Νεόφρων δὲ ξενικώτερον ἀγχίνη φησὶ τελευτῆσαι. τὴν γὰρ Μήδειαν παράγει πρὸς αὐτὸν εἰποῦσαν*
φθερεῖ τέλος γὰρ αὐτὸς αἰσχίστῳ μόρῳ

δέρη κρεμαστὸν ἀγκύνην ἐπισπάσας.
 τοῖα σε μοῖρα σὼν κακῶν ἔργων μενεῖ,
 δίδαξις ἄλλοις μυρίοις ἐφημέροις
 Θέων ὑπερθε μήποτ' αἰρεσθαι βροτούς.

Primum fragmentum, ubi cum verbis Euripideae Medae respondentibus¹⁾ contulerimus, statim apparebit, paullo aliud secutum esse argumentum Neophronem, quam Euripidem. Ille enim Aegeum ad ipsam Medeam iter facere narrat, ut ab illa de accepto oraculo certior fiat; Euripides Aegeum forte ad Medeam venientem facit, in ipso itinere Troezenas suscepto, ubi Pittheum regem sapientem de obscuro oraculo certiores se facturum esse sperabat. His igitur in enarrandis Euripides diligentius quam Neophron quae tradita omnibusque nota erant servabat, dum multis aliis locis, neglectis traditis, nova, quae ipsi magis arriderent, fingere haud cessabat. Quin etiam in iisdem rebus enarrandis ne ipse quidem sibi constans est. Cuius rationis exempla Boeckhius diligentissime collegit²⁾; quocum tamen in eo non faciam, quod 'in duabus adeo Medeis duas discrepantes fabulas secutum esse Euripidem' contendit, de quo statim disputabitur. — Idem fere de tertio fragmento est dicendum. Cum Neophron in describenda morte Iasonis aliam atque priores sequeretur traditionem, cum suspensio eum vitam finisse narret, Euripides, quae erant tradita, in suam fabulam restituit, quibus Iaso Argus fragmento necatus esse dicitur, vs. 1386 sqq. —

Nec tamen omnes eadem de his versibus utuntur sententia. Interpolatos eos esse ac reiciendos Nauckius censuit³⁾, quod quidem iudicium his haud valde veri similibus argumentis firmare studet. I. 'Die Weissagung über den Tod des Jason ist an dieser Stelle höchst befremdlich, da Medea weiter unten, vs. 1396, ihm das Elend eines kinderlosen Alters in Aussicht stellt, indem sie sagt:

οὐπω θρηεῖς μένε καὶ γῆρας.'

Alterum igitur deesse debebat? Sed quid inter priora

1) vss. 665 sqq. — 2) l. c. pag. 258. — 3) Eurip. Studien I, 137.

Medeae verba et ea quae postea dicta sunt intercedit congruum? Nihil certe. Nam illis prioribus Medea, postquam Corinthiis solemnia imposuit celebranda, sceleris piacula, se autem ipsam ad Aegeum iter esse facturam, ut matrimonium cum illo iniret, praedicavit, — quid iam aliud restabat, nisi quod Iasoni quoque, quae perfidiae ac periurii poena ei immineret vaticinaretur. Senem liberorum deliciis privatum iri, non praedicat; hoc ipse Iason scit, cum liberi modo essent interfecti. Apte autem illo momento, quo Iason liberorum iacturam deplorat, vs. 1395:

στείχω, δισσῶν γ' ἄμωρος τέκνων —

Medea maritum monere poterat, ut lamentationes [in eam aetatem reservaret, qua iis magis quam in iuventute indigeret, in senectutem, qua soli liberi patris adminicula ac deliciae sint. — Prorsus eadem sententia in fragmento Dictyos fabulae nobis tradita est¹⁾), ubi haec leguntur: ὁδε παραμυθούμενος τὴν Λανάνην δυσπενθοῦσαν Δίκτυς φησί:

*δοκεῖς τὸν Αἶδην σῶν τι φροντίζειν γόων
καὶ παῖδ' ἀνήσειν τὸν σόν, εἰ θέλοις στένειν;
παῦσαι βλέπουσα δ' εἰς τὰ τῶν πέλας κατὰ
ῥάων γένοι' ἂν, εἰ λογίζεσθαι θέλοις
ὅσοι τε δεσμοῖς ἐμμεμοχθῆναι βροτῶν
ὅσοι τε γηράσκουσιν ὀρφανοὶ τέκνων
τοὺς δ' ἐκ μεγίστης ὀλβίας τυραννίδος
τὸ μὴδὲν ὄντας. ταῦτά σε σκοπεῖν χρεῶν.*

Itaque et priora et posteriora ab Euripide apte sunt allata; ac re vera miraremur, si quae ad Iasonem pertinerent, Euripides silentio praetermisisset, cum ex more suo ea omnia afferre soleat, quae ad fabulam vel mythum ad finem usque cognoscenda memoratu utilia sunt²⁾). II. 'Auch sieht man nicht, wie die hier bezeichnete Todesart als eine schmachvolle gelten kann, — κατθανεῖ κακῶς —; eben so

1) Plut. Mor. pag. 106 a, — Dind. frgt. 336. — 2) Cf. Wecklein ad vs. 1386.

wenig, wie sie ein Resultat der Vermählung mit der Medea ist, da ein Unglück, wie das hier erwähnte, doch lediglich vom Zufall abhängt.' Quid, si Iason, qui per vitam suam tot tantaque facinora feliciter perpetraverat, qui monstra horribilia devicerat, cuius denique vitam postea tam scelestam honesta mors in pugna accepta purgasset, — si, aio, talis vir navis cuiusdam atque eius, in qua ipsa tot pericula subierat, puppi caesus mortem obit, vix moriendi ratio cogitari potest, quae magis foeda sit. In hac autem morte foeda re vera inest poena scelestissimi, quod Iason perpetraverat, facinoris, i. e. fraudis ac perfidiae in Medeam commissae, qua nuptiae illae primum tam felices tam acerbe finirentur, *πικρὰς τελευτὰς τῶν ἐμῶν γάμων ἰδών*¹⁾. III. 'Endlich ist es überhaupt ein Räthsel, wie Iason, der die Argonautenfahrt längst hinter sich hat, von einem Ueberbleibsel der Argo getödtet werden kann.' De morte Iasonis diversissima sunt tradita. Neophron suspensio se ipsum Iasonem interficientem facit. Carcinus et Hyginus Iasonem a Medea occisum esse tradiderunt. Scholia autem in vs. 1387 Argus puppi Iasonem mortem obiisse narrant, quorum unum *κατὰ Μηδείας χόλον ἢ κέλευσιν* id factum esse addit; quocum id quod Staphylos²⁾ adnotat, consentit: *ἐγκελεύσασθαι γὰρ αὐτὴν*, — sc. *Μήδειαν* —, *οὕτως ἐπὶ τῇ πρύμνῃ τῆς Ἀργοῦς κατακοιμηθῆναι, μελλούσης τῆς νεὸς διαλύεσθαι ἐπὶ τοῦ χρόνου. ἐπιπεσοῦσης γοῦν τῆς πρύμνης τῇ Ἰάσονι τελευτῆσαι αὐτόν*. Inde cum Nauckio concludi nequit, Iasonem itinere maritimo nondum perfecto esse mortuum, quo tempore Argo non tam fragilis esse poterat, quam a Staphylo describitur. Immo vero si id quod Apollod. I 9, 78 narratur, respicimus, navem iam decem annos ante perfidum illud Iasonis in Medeam facinus Neptuno esse dedicatam, putandum est, navi tempestatum vi collabefacta Medeam usam esse, ut quae perpressa erat ab Iasone ulcisceretur. Quomodo ad conscendendam navem Iason sit commotus, non traditur. Medeam ipsam

1) Medea vs. 1388. — 2) Hyp. Eur. Med.

eum adhortatam esse, ex traditis non cernitur, cum Corinthum eam rediisse, nusquam afferatur. Quibuslibet aliis machinationibus uti poterat ad perficiendum id quod sibi proposuerat. — Quod ad alterum illud fragmentum a Stobaeo nobis traditum, attinet, alii Euripidis interpretes gravissima ex iis concludi posse sibi persuaserunt, alii ne minimam quidem in iis inesse aliquid diiudicandi ansam. Neophronis verbis Euripideae Medae respondent vss. 1028 sqq., quibus de Medea agitur, maximis animi perturbationibus commota, cum inter liberorum amorem et summam ulciscendi cupiditatem huc illuc abripiatur; quam partem, quod ad describendas perturbationes et elocutionem attinet, in pulcherrimarum totius fabulae numero esse inter omnes constat. Quod Weckleinum commovit, ut Neophronem primum hoc drama sic instituisse negaret. Sed ipsius de hac re sententia nimis quaesita esse videatur. Cum enim demonstrare studeat, quomodo de duplici Medae ab ipso Euripide instituta editione rumor natus sit, ad iudicium pervenit, et ipsi valde dubium: Neophronem ex Medea quadam Euripidis novam conformasse fabulam, quae prae Euripidis fabula quibusdam virtutibus fuerit praedita. Qua re commotum esse Euripidem, ut suam fabulam iterum tractaret, quae non apta viderentur ommitteret, ex Neophronis editione, quae placerent, adoptaret. Sic natam esse famam, novam Euripidis fabulam nihil esse nisi alteram editionem Medae Neophronis. — Quae nisi artificiosis conclusionibus ex Neophronis fragmentis cum Euripidis Medea comparatis enucleari nequire, patet. — Multo propius ad veram rei conditionem Elmsleii, qui praeter alios optime de interpretanda Medea meruit, iudicium videtur accedere, qui, cum id ipsum, quod Weckleinus totius disputationis fundamentum putat, minoris momenti esse iudicet, 'quantum ex fragmentis Neophronis conicere liceat, potius fabulae oeconomiam personarumque mores, — nos addimus: adhibitis, ubi placebat, mutationibus —, quam verba aut sententias Euripidem a Neophrone mutuatum esse' credat. Porro progredi vix liceat. Nullo autem

modo ex fragmentis Neophronis alteri Euripideae Medae editioni lucem evasuram esse statuendum est.

II.

Prorsus aliam iteratae editionis originem demonstrandi viam ingressus est Boeckhius¹⁾, qui miro modo Medeam iterum esse editam firmari putabat narratiuncula illa, a scholiasta²⁾ et ab Aeliano³⁾ tradita: accepisse Euripidem a Corinthiis quinque talenta, ut Medeam ipsam faceret suos liberos interficientem, quos secundum alios Corinthii iugulavissent. Atque acerbissime increpat Barnesium, 'hunc quidem criticum omnium ineptissimum, quod hac quoque macula suo more purgaturus fuerit delicias suas,' nec fidem habeat traditis. Boeckhium, hac in re nimis certe credulum, Hermannus refellit⁴⁾, qui 'minus veri simile esse putat Euripidem, cum ante a Corinthiis occisos fecisset Medae pueros, id argento corruptum mutavisse, quam munere illo adductum esse, ut quod alii isto modo tradidissent, ipse aliter in scenam produceret⁵⁾. Quin etiam Corinthios credibile esse, si ab ipsis occisos Medae filios introduxisset Euripides, alium tragicum, ut ea se culpa liberaret, permovisse, quam ab initio eum ita ut iam contraria scriberet, adiisse'. Et hanc narrationem, ut alia eiusmodi, ex comici cuiusdam ingenio natam esse, veri simile est⁶⁾. Nec igitur id inde concludere licet, quod iam Boettigerus⁷⁾ et Matthiaeus⁸⁾ putaverant, Euripidem primum fuisse, qui Medeam suos liberos trucidantem in scenam misisset. Id cum iis, quae supra sunt enucleata, nullo modo convenit. — Iam vero Boeckhius, postquam, unde duplex recensio originem duxerit, demonstrasse sibi visus est, vestigia eius his rationibus manifestare studuit. Ac primum quidem verss. Med. 1381 sqq.

1) l. c. pag. 166. — 2) in Med. vs. 10. — 3) V. H. V, 21. — 4) l. c. pag. 407. — 5) cf. h. l. pag. 11. — 6) Conf. Wecklein, Einleitung pag. 29. — 7) Matthiae Miscell. I pag. 117. — 8) pag. 427 edit.

Τῇ δὲ τῇδε Σισύφου

σεμνήν ἑορτὴν καὶ τέλην προσάρομεν

τὸ λοιπὸν ἀντὶ τοῦδε δυσσεβοῦς φρόνον —

Medeae tributos non illius sed Iunonis esse censuit. Quod tamen non omnibus persuasit. Cum enim non intelligeret, 'qui Medea, quae ipsa liberos trucidaverit, tam foedo nomine caedem adpellaret, qui Corinthiis imperare posset, ut instituerent sacra propter eam', cum Matthiaeus oblocutus est¹⁾, tum God. Hermannus recte opposuit, Medeam caedem 'eo quo debeat nomine appellare *δυσσεβῆ φρόνον*', non minus illo quidem apto, quam antea vs. 796: *ἔργον ἀνοσιώτατον*, et vs. 1328: *ἔργον δυσσεβέστατον*; 'atque hic ubi sacra ad expiandam illam caedem se instituturam ait, necessarium esse, ut ipsa improbet illud facinus'. Quod praeter ea monet Boeckhius 'γῆν Σισύφου Corinthum invidiose appellari' in eo non plus invidiae inesse, quam vss. 404. 5 in his:

οὐ γέλωτα δεῖ σ' ὀφλεῖν

τοῖς Σισυφείοις τοῖς τ' Ἰάσονος γάμοις —,

sed Corinthios et nihil amplius intelligi, Hermannus concedi debet. — Nec tamen primus fuit Boeckhius, qui vss. 1381 sqq. Iunoni tribuit. Iam ante eum Boettigerus²⁾ dubitationem moverat, Aristotelis loco effectam³⁾ 'φανερὸν οὖν ὅτι καὶ τὰς λύσεις τῶν μύθων ἐξ αὐτοῦ δεῖ τοῦ μύθου συμβαίνειν, καὶ μὴ ὥσπερ ἐν τῇ Μηδείᾳ ἀπὸ μηχανῆς καὶ ἐν τῇ Ἰλιάδι τὰ περὶ τὸν ἀπόπλουν'. Vituperat igitur Aristoteles, quod deorum vel heroum interventu fabulae ad finem perducantur. Sed in Euripidis fabula non inveniri dei vel herois interventum; nec designari posse Medeam alato curru insistentem. Inde concludendum esse, 'in priore editione Iunonem aliquas in fine partes habuisse, quae ex machina apparuerit, cum tota ῥῆσις Medae in ea, quae adhuc legatur fabula melius in Iunonem quadret, quam in feminam fugam quam celerrime capessentem', pag. 123. Deinde 'offen-

1) Pag. 429 adnotat. — 2) Matth. Misc. I. pag. 123. — 3) Art. poet. XVIII, 12 ed. Herm.

dere docet Boettigerus pag. 124 quae statim sequantur de morte Iasonis'; postremo interrogat, 'quis umquam fando acceperit, vaticinatam esse Medeam et fatidicam mulierem futura praedixisse'. Boettigero oblocuti sunt Matthiaeus et God. Hermannus. Quorum prior, etsi pro simplici editione pugnat, leviores tamen affert rationes, quam quibus adversariis persuadere possit. Ex Aristotelis enim verbis, antea citata sequentibus¹⁾ *ἄλλὰ μηχανῇ χρηστέον ἐπὶ τὰ ἔξω τοῦ δράματος ἢ ὅσα πρὸ τοῦ γέγονεν, ὃ οὐχ οἶόν τε ἀνθρώπων εἶδέναι ἢ ὅσα ἴστερον, ἃ δεῖται προαγορεύσεως καὶ ἀγγελίας* — demonstrare conatur 'si in ea quam legeret Aristoteles fabula Iunoni hae partes tributae fuissent, ut ea, quae Iasoni instarent vaticinaretur, nullam futuram fuisse causam reprehensionis; deae enim assignari quae convenirent deae'. Atque haec sententia, quam, quantum probari nequeat, statim cognoscemus, eo fere recurrit, quo Wolperi tendit iudicium²⁾, — qui pag. 43 Medae personam, licet currus, quo Medea vecta Athenas aufugerit, machinis adducendus esset, tamen prope spectare et *ἐξ αὐτοῦ τοῦ μύθου συμβαίνειν*, neque *ἔξω τοῦ δράματος* esse dicit. Qua in re quanto errore sit ductus Wolperus, Hermannus monstravit, qui *μῦθον*, quem Aristoteles dicat, actionem complecti indicat, quam poëta composuerit, cuius singulae partes recte apteque cohaerere interque se nexae esse debeant. Currum autem nihil esse nisi adminiculum, ad quod poëta confugerit, cum aliter periculo eripere Medeam nesciret'. Quod postremum affertur, Medeam nusquam esse inventam fatidicam, nec per se offendere potest, 'cum et alibi rerum futurarum haud praescii vaticinantes introducantur' nec verum est, cum etiam apud Pindarum³⁾ *Μεдея ζαμενῆς παῖς Αἰήτα — δέσποινα Κόλχων*, Cyrenarum origines vaticinetur: *εἶπε δὲ οὕτως*

ἡμιθέοισιν Ἰάσονος αἰχματᾶο ναύταις κ. τ. λ.

Cf. Wecklein ad vs. 1386. — Inter Hermannii sententiam

1) A. poet. XVIII, 13. — 2) De Eur. Med. tragoed. correctae et denuo recens. Gotting. 1818. — 3) Od. Pyth. IV.

et id quod Wolperus ac Matthiaeus de Medae partibus censuerunt medium tenet Gravenhorsti iudicium, qui tamen quodammodo secum ipse dissentit¹⁾. 'In der Medea vertritt die Heldin selbst die Stelle dieses sogenannten deus ex machina, eine Rolle, zu welcher die Zauberin an sich wohl geeignet scheinen kann, die aber mit ihrer sonstigen im Stücke selbst vertretenen Persönlichkeit in einigem Widerspruche steht. Et pag. 101: Kleinere Uebelstände, wie das zufällige Auftreten des Aegeus und die oben bemerkte doppelte Rolle der Heldin werden vor dem überwältigenden Eindruck der Haupthandlung wenig beachtet'. De primo illo, quod Medeam ipsam dei ex machina locum tenere Gravenhorstius contendit, amplius disputare omittamus. Hoc constat, non in Medea ipsa in curru evolante cerni posse deum ex machina, sed in eo, quod omnino mulieri maxime oppressae alicunde adminiculi instar currus mittatur. Qui miserit eum, haud multum refert, nam non in persona sed in re posita est dei ex machina ratio. Nec aliter Aristotelis de hac re verba possunt declarari et idem hoc Hermannum censuisse, ex verbis eius modo citatis apparet. Quod autem Medea, ubi est servata, quae futura sint, vaticinatur, mulieri sapienti magicarumque artium peritae optime convenit. — Huic de deo ex machina disputationi finem faciamus allato Hartungii iudicio quod protulit permiro. Is enim, cum ex more suo Euripidem ab omnibus fere vitiis solvere ac liberare studeat, eaque quae aliis displiceant, pulcherrima habenda esse praedicet, ne ipse quidem sentit, quod quantisque obstringatur erroribus. Cum alii in interpretandis Aristotelis verbis dissentiant, Hartungius Aristotelem ipsum vituperat, quod et Aegeum non apte in scenam missum et deum ex machina non sequi ex fabulae compositione censeat. 'Und er — Aristoteles — hat in beiden Fällen geirrt, so wahr der Leser lebt und dies nun sogleich selbst einsehen wird'²⁾. Pericli-

1) Griech. Theater, Stuttg. u. Augs. 1856. pag. 88. — 2) L. c. Einleitung pag. XIV.

temur igitur intelligere! Primum non fuisse necessarium, ut sic, quomodo in animo haberet, Medea facinus suum perpetraret; non fuisse necessarium, ut Medea vitam servaret; aut si servare debebat, paullo prius ei liberos trucidare licuisse, statim post missa dona, ut fugiendi occasio pateret. — Si talium rationum quandam poëta elegisset, Aristoteles certe deum ex machina non vituperasset. Sed porro videamus¹⁾. — ‘Fast möchte man glauben, dass das der Gedanke des Dichters selbst war, der hinter allen Wundern eine natürliche Entwicklung durchblicken lässt. Denn es ist im ganzen Verlauf des Stückes nicht auf die Maschine gerechnet und wird auch von der Medea nirgends an sie gedacht. Die Maschine ist hier wie überall gleichsam zum Ueberfluss und mit Gewalt herbeigezogen, um der Tragödie einen würdigen Schluss zu leihen (?). Dieser Schluss ist für die Tragödie dasjenige, was für eine Standrede die peroratio ist, in welcher der Inhalt des ganzen noch einmal vereint vor die Augen gestellt wird, nicht in langweiliger Wiederholung, sondern in energischer Concentrirung und mit dem Aufwande aller dem Redner zu Gebote stehender Kräfte. Bei der Tragödie müssen auch äussere auf die Sinne wirkende Mittel zur Hülfe genommen werden, und die Maschine darf daher selten fehlen’. Deus igitur quasi crinibus trahitur, ut tragoediae solemnem imponat conclusionem? Ergo non necessarius est, non cum ipso fabulae argumento arctissime cohaerens, immo vero maxime solutus, supervacaneus, ab Aristotele iure vituperatus. Quae autem inter perorationem et fabulae finem deo effectum intercedit similitudo? Haec orationis argumentum paucis refert, comprehendit, — deus, quod hominibus obscurum, mirum videbatur, explicat, quae futura sunt, praefatur; ac re vera in iis fabulis deesse nequit deus, in quibus spectantibus, si deesset, de fine tragoediae dubium relinqueretur. Sed nunquam haec ratio, quamvis poetae verba sint pulcherrima, potest laudari. Cf. Pflugk, l. c. pag. 9.

1) Pagg. XV, XVI et comment. ad vers. 1008 edit. Hart.

III.

Quae ad hunc usque locum tractata sunt argumenta, ad universae Medae fabulae compositionem atque oeconomiam pertinuerunt. Nihil ex iis in iteratae Medae editionis usum nos profecisse vidimus. — Transeundum iam nobis est ad per-lustranda ea argumenta, quae inesse putarunt viri docti in locis quibusdam veterum scriptorum, sub Medae nomine nobis traditis, — quibus quidem, cum in ea, quam habemus fabula aut mutatos inveneris aut frustra qaesiveris eos, duplicis editionis investigandae ansam maxime idoneam praeberi viri docti putarunt. Sed pars eorum locorum, quos priores editores vel interpretes hoc in genere adnotaverunt, prorsus silentio nobis est praetermittenda, cum alios non nisi editorum neglegentiae debeamus ¹⁾, alii ex deterius notae codicibus vel editionibus minus correctis duxerint originem²⁾. Ac primum quidem, quod ex Ennianae Medae fragmentis in nostram disputationem proficiamus, quaerendum est³⁾.

De ratione, qua Ennius in vertendis Graecorum scriptorum fabulis sit usus, veterum complura exstant testimonia. Cic. Acad. I, 13 non verba sed vim Graecorum poetarum expressisse Attium, Pacuvium, Ennium tradit. De Fin. 1, 2: 'His igitur est difficilius satisfacere, qui se latina scripta dicant contemnere. In quibus hoc primum est quod admirer: cur in gravissimis rebus non delectet eos patrius sermo, cum iidem fabellas Latinas ad verbum de Graecis expressas non inviti legant. Quis enim tam inimicus paene nomini

1) Cf. vss. 109 110, quos a Stobaeo citatos in nostra Medea diu frustra investigarant viri docti. — 2) Cuius rationis hoc sufficiat exemplum. Olim Hesychii s. v. ἀπαιώνιστον verba Κόρινθον ἀπαιώνιστον in Euripidis Medea exstitisse, docti putabant Liceat, qualis glossa iam legitur, cum adnotatione exscribere. ἀπαιώνιστον δύσφημον. Εὐριπίδης Ἀλκμήωνι (τῷ) διὰ Κόρινθον — Εὐριπίδης ἀλλὰ καὶ διὰ ἀκορίν. Ἀπαιώσιον ὁ codex Εὐριπίδης ἀλλαγοῦ καὶ ἐν Μηδείᾳ Κόρινθον ἀπαιώσιον. δύσφημον coni. Musurus, Εὐριπίδης Ἀλκμήωνι διὰ Κόρινθον egregia Matthiae est emendatio, quam perfeci. M. Schmidtus. —

3) Conf. Planckium, Q Ennii Medea, Götting 1807 pag 47. 67 sqq.

Romano, qui Ennii Medeam aut Pacuvii Antiopam spernat aut reiciat? qui se iisdem Euripidis fabulis delectari dicat, Latinas litteras oderit'. Alterum hoc testimonium cum priore illo non satis convenire videatur. Sed Ciceronis verba 'fabellas latinas ad verbum expressas' non ita esse premenda, ex tertio eius apparet loco, Or. 11: 'neglegentius multa apud eum, — sc. Ennium —, fuisse, quam apud Pacuvium¹⁾. — Ubi vero fragmenta ipsa Ennii inspexerimus, testimonia illa a vero haud abhorreere apparebit. Dum alia ad verbum fere Euripideis versibus respondent²⁾, alia aut magis aut minus Euripidis vestigia sunt secuta, cum, quae latino scriptori minus arriderent, aut contrahantur³⁾, aut liberiore quadam ratione tractentur⁴⁾. Unde sequitur, ut haud facile ei persuadeant, qui duplicis recensitionis inesse putent vestigia in iis fragmentis, quae non prorsus cum Euripidis sententiis conveniunt. Nec illud certo documento esse potest, quod Ennii fragmenti, a Cicerone⁵⁾ traditi prorsus nulla in ea quam habemus Medea vestigia invenias. Ciceronis verba haec sunt: Tu qui ceteris cavere didicisti, in Britannia ne ab essedariis decipiaris caveto: et quoniam Medeam agere coepi illud semper memento:

'Qui ípse sibi sapiéns prodesse nóñquit, nequiquám
sapit'

quae ad versum Euripidis respicere apparet⁶⁾:

1) Cf. Hor. a. poet. 262. Quint X 1, 88. — 2) Conf. frgt. ap. Ribbeck. III = Eurip. Med. vss. 57 58:

Cupido cepit miseram nunc me próloqui

Caelo átque terrae Médeai miserias

= ὦσθ' ἡμερος μοῦνηλθε γῆ τε κούρανῶ

λέξαι μολοῦσαν δεῦρο δεσποίνης τύχας.

Quod *δεσποίνης* vocabulum 'Medeai' voce redditum est, fuerunt, qui in his duplicis recensitionis inesse indicium putarent. Si tali argumento utimur, omnia possunt probari. — 3) Conf. frgt IX = Eur. Med. vss. 371—75, 399—400, ut quae Euripides octo expressit versibus, tribus Ennianis contineantur. — 4) Cf. frgt. X = Eur. Med. 502—504. — 5) Ep ad Fam. VII, 6. — 6) Apud Cic. Ep. ad fam. 13, 15, 2.

μισῶ σοφιστήν, ὅστις οὐχ ἀντὶ σοφός.

Quod fragmentum primum P. Manutium commovit¹⁾, ut de duplici Medea Ennii atque Euripidis cogitaret. Nihil tamen ex eo posse concludi, primus Planckius monstravit. Fortasse exstabat versus ille in tetralogia, cuius Medea fabula pars erat, et per errorem huic fabulae tribuebatur. Duplicis recensiois argumento eo uti vix licuerit. — Ex fragmentis eorum poëtarum, qui post Euripidem Medeas composuerunt²⁾, nihil in hanc disputationem proficimus.

Infirmissimo autem ei utuntur fundamento, qui ex tragoedia illa Gregorio Nazianzeno — seu iure seu iniuria — tributa, quae quidem *Χριστὸς Πάσχων* inscribitur, in usum nostrum aliquid concludi posse censeant. Scriptor enim tragoediae illius, quae magna ex parte ex veteris tragoediae versibus composita est, interiectis ipsius poëtae versibus³⁾, illis sic usus est, ut aut quantum ipsi liberet, eos mutaret, aut immutatos reciperet. Quod statim intelliges, ubi versus Euripideos in tragoediam illam translatos examinaueris; de quo cum Elliseni librum inspicias⁴⁾, tum Doeringii commentationem⁵⁾, qui luculenter demonstravit, in Chr. Pat. scripturis ab Euripideorum codicum discrepantibus saepius Euripidis unice genuinas scripturas esse servatas⁶⁾, cum antiquiores Euripidis libros Christi Patientis scriptor in manibus habuerit. Sed inde non sequitur, in discrepantia inter Chr. Patientis et codicum Euripideorum scripturas duplicis recensiois cerni indicia. Nil inde cernitur, nisi ex deterioris notae fonte nostros libros Euripideos duxisse originem. Itaque de his satis. — Quid de reliquis huius generis argumentis sit censendum, luculentissime explicarunt cum Elmsleius⁷⁾

1) Comment ad Cic. ep. ad Fam. VII, 6. — 2) Bioti, — Nauck. fragt. trag. pag. 642. —, Carcini — Nauck. pag. 620 —, Dicaeogenis — Nauck. pag. 101. — — 3) Ita ut in 1273 Chr. Pat. versibus 1125 Euripidis versus, in 410 Chr. Pat. unius Medae 329 vss. cernantur. — 4) Die Tragödie *Χριστὸς Πάσχων*, Lpzg. 1855 Einl. pag. L. — 5) Die Bedeutung der Tragödie *Χρ. II.* für die Euripideskritik, Philolog. XXV, 1867, pag. 220 sqq. — 6) Cf. pag. 238 II. — 7) l. c. pag. 59.

et Matthiaeus¹⁾ tum, quod ad locos ab Aristophane parodia illusos attinet, W. Ribbeckius²⁾ — quare pauca addidisse sufficiet.

1. Ad Ar. Acharn. 119: ὦ Θερμόβουλον πρωκτὸν ἐξυρημένε — scholiasta Aristophanem Euripidis versum Medae: ὦ Θερμόβουλον σπλάγχχνον' parodia vexasse adnotat. Peliadum vel Aegei hoc esse fragmentum docuit Matthiaeus pag. 426.

2. Ar. Pax 1012: εἶτα μονωδεῖν ἐκ Μηδείας

Ὀλόμαν ὀλόμαν ἀποχωρωθεῖς

Τᾶς ἐν τεύτλοισι λοχευομένας.

Quae verba ad Eurip. Medae vs. 97:

ὦ μοί μοι, πῶς ἂν ὀλοίμαν

esse referenda, verisimile est. Ribb. pag. 306.

3. Thesmoph. 1130 Aristophanes Euripidem haec loquentem facit:

σκαιοῖσι γάρ τοι καινὰ προσφέρων σοφά

μάτην ἀναλίσκοις ἄν

quae ex Medae verbis sunt expressa, vss. 298 sqq.:

σκαιοῖσι μὲν γὰρ καινὰ προσφέρων σοφά

δόξεις ἀχρεῖος κοῦ σοφὸς πεφνέειναι.

Quod in quibusdam Medae libris pro σοφὰ ἔπη' sit positum Porsonus prius illud in priore editione scripsisse putat Euripidem, in altera mutasse, irrisione Aristophanis commotum. Cf. Porson. ed. ad. vs. 300. —

4. Vs. Medae 1317, maxime vexatus, in libris sic legitur:

τί τάςδε κινεῖς κἀναμοχλεύεις πύλας.

Chr. Pat.: τί τάςδε κινεῖς κἀναμοχλεύεις λόγους, quocum consentit Ar. Nub. vs. 1397: ὦ καινῶν ἐπῶν κινητὰ κἀναμοχλευτά, Heliod. Aethiop. I pag. 15: τί ταῦτα — sc. τὰ ἔπη — κινεῖς κἀναμοχλεύεις; τοῦτο δὲ τῶν τραγωδῶν, — scriptor ineditus: τί ταῦτα κινεῖς κἀναμοχλεύεις, cf. Matthiae not. in vs. 1307, qui alium Euripidis locum e deperdita fabula Aristophanem respexisse dicit, in quo haec legerentur:

τί ταῦτα κινεῖς κἀναμοχλεύεις;

1) pag. 425, 426. — 2) In eo qui Acharnensium editioni adiectus est libro: D dramatischen Parodien bei den Attisch. Comikern.

Porsonus *πύλας* vocem pro *λόγους* posuisse putat Euripidem, ab Aristophane propter duriores metaphoras in scaena tractum. — Verum videtur iudicasse Doeringius¹⁾, qui cum ob verba praecedentia nihil nisi *‘τί τάςδε κινεῖς κἀναμοχλεύεις πύλας’* Euripidem scribere potuisse contendat, hanc satis quaesitam dictionem Aristophanem eo traduxisse putat, quod Phidippidem sophisticarum artium peritum *λόγων μοχλευτήν* appellaret. Deinde criticum quendam putantem, *ἀναμοχλεύεις λόγους* Euripidem scripsisse, eius verba correxisse. Hanc autem variam scripturam a Chr. Pat. scriptore et locis supra citatis esse traditam. Cui rationi haud ingratae nihil addiderim. — Errorem quendam, quo Matthiaeus de his versibus disputans captus est silentio haud praetermiserim. Miratur enim vir doctissimus, si Euripides re vera *‘irrisorum tam impatiens erat, ut unam vocem ‘σοφρά’ hoc loco eximeret, in multis aliis relinqueret,’* alios versus ab Aristophane irrisos eum non mutasse, velut primum Medae versum, in Ranis vs. 1382 illud. Sed oblitus est Matthiaeus, Euripidem iam non valuisse mutare id quod Aristophanes irriserat, cum is mortuo demum Euripide Ranas conscriberet et Lenaeis, id est septimo eiusdem, Ol. 93, 3 anni mense doceret.

Videmus igitur inter omnia huius generis argumenta, quae ad demonstrandam iteratam Medae editionem afferantur vix unum esse, quod probabilitatis speciem prae se ferat, nedum de duplici editione nobis persuadeatur.

IV.

Restant duo genera argumentorum, quorum prius positum est in versibus vel sententiis bis in fabula exstantibus, alterum, in variis eiusdem loci codicum lectionibus. Quid de priore sit statuendum, reputemus. Aut poëtae ipsi aut alii cuidam debemus illas repetitiones. Sed quomodo id factum esse animo informabimus? Ut ponamus, poëtam, aut quolibet quam nescimus, causa commotum, aut quod haec illa

1) l. c. pag. 225.

displiceant, mutare, corrigere denique omni modo id assequi studere, ut quam proditurus sit fabulam quam perfectissimam mittat. Quod studium certe laudandum est, nec facile poetam inveneris, qui hoc limandi studium, ubi necessarium est, priusquam iterum fabulam edat, neglexerit. Iam vero, quid in Medea videmus? Hic versus reperiuntur, qui postea aut sub eadem aut mutata specie redeant, illic duae sententiae deinceps secuntur, quibus aut iisdem aut simillimis verbis eadem repetantur; nec semper cur eadem bis sint dicta, investigare possumus. Atque in his poetae corrigendi studium cernatur? An putandum est, fieri potuisse, ut poeta ipse tanta negligentia in emendanda fabula versaretur, ut non solum ipsas correcturas sed etiam ea, quae correxerat, in textum reciperet? At dicat quispiam, in hac ipsa re cernitur duplex recensio; attamen poeta non ipse utramque scripturam composuit, sed quilibet alter, qui cum utramque recensionem in manibus haberet, casu aut negligentia ex prior editione haec illa in alteram transferret, ut iam in hac utrumque exstaret. Concedamus. Sed examinemus talem qualem modo illustravimus locum, qui quidam a Weckleino allatus est ad demonstrandam duplicem editionem. In Med. vss. 723—730, — οὕτω δ' ἔχει μοι — καὶ ξ. εἶναι θέλω —, eadem sententia bis exprimitur, cum versus:

723 οὕτω δ' ἔχει μοι σοῦ μὲν ἐλθούσης χθόνα

724 πειράσομαι σοῦ προξενεῖν δίκαιος ὢν.

729 ἐκ τῆσδε δ' αὐτὴ γῆς ἀπαλλάσσου πόδα·

730 ἀναίτιος γὰρ καὶ ξένοισι εἶναι θέλω. —

et versus 725—728:

τοσόνδε μέντοι σοι προσημαίνω, γύναι·

ἐκ τῆσδε δὲ μὲν γῆς οὐ σ' ἄγειν βουλήσομαι.

αὐτὴ δ' ἐάν περ εἰς ἐμοὺς ἐλθῃς δόμον

μενεῖς ἄστυλος κοῦ σε μὴ μεθῶ τι.

inter se congruant. Haec sic Euripidem scripsisse, nemini persuaderi possit. Igitur duabus illis rationibus a sciolo quodam conglutinatis, duplicis recensionis vestigia indicantur. Sed dicat quis, quid prius scripserit Euripides, atque

quae causa fuerit, cur illud mutaret. Suntne hi versus sic compositi, ut mutatione egerent, an illos eos putaveris, qui meliore iure in priorum locum succederent. Vix hanc quaestionem possis diiudicare, nec ullum omnino invenias argumentum omnibus probabile, quo evincere possis, Euripidem ipsum mutandi sibi causam esse, credidisse. Quid igitur restat nisi ut ab interpolatore quodam haec illa circumscripta et margini adscripta fuisse, deinde autem casu in ipsam fabulam recepta esse statuamus¹⁾. — Talibus interpolationibus omnia fere veterum scripta vel magis vel minus esse contaminata, inter omnes constat, nec nisi alia accedant graviora argumenta iis uti licet ad iteratas editiones demonstrandas. In interpolationum autem numero, quae in Medea sunt investigatae haud paucae exstant eius generis, quod in versibus vel sententiis repetitis cernitur. Nec tamen is iustus evaserit iudex, qui ex contraria parte omnia, quae sunt repetita, pro spuris et interpolatis vendiderit. Quomodo tales repetitiones sint natae, et ex veterum ipsorum testimoniis scimus²⁾, et ex indiciis haud raro manifestis potest conici. In quarum numero habendi sunt versus:

$$[40 . 41] = 379 . 80 \text{ Nauck}$$

$$[468] = 1324$$

$$784 = 949$$

$$923 . 4 = [1006 . 7]$$

$$[1062 . 3] = 1240 . 1$$

quas ad duplicem recensioem non maiore iure rettuleris, quam eam, de qua modo disputavimus. Itaque sat erit qui-

1) Conf. R. Prinz, Jenaer Lit. Ztg. 1874 nro. 342; Nauck., qui verss. 723. 724. 730 ut spurios, uncis saepit, reliquos sic constituit: 725. 726. 727=728 vet. ord., 728=729, [729=730 vet. ord.], 730=727 vet. ord. — 2) Cf. Didymum in schol. ad vs. 356: οὐ γάρ τι δράσεις. Αἰδύμος μετὰ τοῦτο φέρει τὸ 'σιγῇ δόμους εἰσβᾶς', ἢ 'ἔστρωται λέχος', καὶ μέμφεται τοῖς ὑποκριταῖς, ὡς ἀκαίρως αὐτὸ τάσσουσιν, et schol. ad vs. 379: ἢ θηκτόν' ὥδε καλῶς κεῖται. Αἰδύμος σημειοῦται ὅτι κακῶς οἱ ὑποκριταὶ τάσσουσιν ἐπὶ τῶν δύο τὸ 'σιγῇ δόμους εἰσβᾶσα' καύσω ἢ σφάξω αὐτούς, — unde actoribus illarum originem deberi apparet.

bus eae exstent locis indicare. Versus uncis conclusi interpolati sunt. Amplius de iis disserere, interpretis est¹⁾.

Quod restat argumentorum genus, quod quidem in diversis eiusdem loci codicum lectionibus est positum, non gravius est, quam quod modo illustravimus. Cuius rationis prima exstant specimina Tib. Hemsterhusii in Aristoph. Pluto et Valckenarii in Eur. Hippolyto; in Medea, de qua agimus, primus hac ratione usus est Fr. Osannus in analectis criticis; post eum God. Hermannus²⁾, cui 'an poëtae ipsi aliquid correxerint, ex eo maxime colligi posse videtur, si eusdem loci duae ita diversae scripturae inveniuntur, ut causa, cur altera alteri substituta fuerit, neque ab histriorum vel errantium, vel commoditati suae aut temporibus inservientium, neque a grammaticorum, dictionis potissimum puritatem spectantium rationibus repeti possit. Versari autem fere ea in his, quae ut quid magis perspicue ut aptius, ut elegantius, ut ornatius, ut fortius dictum sit, mutata esse appareat'. Osanni, qui hanc rationem iam sex annis ante erat secutus³⁾, ac Matthiaei, qui eam castigaverat⁴⁾, ne verbo quidem mentionem facit Hermannus. Eo magis, quid de illa ratione sit censendum apparebit, ubi quomodo uterque ea usus sit, perspexerimus. — Osannus triginta septem tractat scripturas variantes, Hermannus viginti quinque indicat, quibus duplex editio eluceat. Quos omnes singulos tractare, ac quae eorum conditio sit investigare, longum nec operae pretium est. Hoc attulisse sufficiat, de sex tantum locis viros illos doctos eadem uti sententia, de quo tamen numero unum statim demere debemus locum. Versu enim, quem indicat Hermannus 668 N. *τί δ' ὀμφαλὸν γῆς θεσπιφδὸν ἐστάλης*; editio Aldina, quae ex codice Palatino valde depravato est excussa et nonnulli codices pro 'ἐστάλης' praebent 'ἐάνεις'. Quod in Euripidis fabula, quae hodie non extet, olim esse lectum, Elmsleius suuspiciatur in vs. 651. Sed recte glossema

1) Conf. Matthiaeus, Tom. VI pag. 424. 5. — 2) Adnot. pag. 407. —

3) Anal. crit. pag. 90 sq. — 4) l. c. pag. 424

non variam id esse lectionem Osannus monet. Quod per se patet, cum *θεσπιωδὸν ἰκάνεις* iambici senarii non esse clausulam primo appareat obtutu. Praeterea, quod tamen levius duxerim, verbi *ἰκάνειν* in Euripidis fabulis superstitis alterum non exstat exemplum; apud Sophoclem paucissima eius reperiuntur exempla. Restant igitur quinque loci iam breviter tractandi:

1. N. 530. 1. *ὥς Ἔρωσ σ' ἠνάγκασε
τόξοις ἀφύκτοις τοῦμὸν ἐκωῶσαι δέμας.*

Quos versus non nisi una cum antecedentibus tractare licet. Iason summis conviciis a Medea affectus, quod ipsam, quae semper atque in summis periculis illi fuisset adiutrix, deseruisset atque aliam mulierem in matrimonium duxisset, contra accusationes illas se defendere conatur. Non Medeam, sed Venerem, unam et deorum et hominum in periculis tutelam, ipsum adiuvisse. Deinde haec leguntur:

*σοὶ δ' ἔστι μὲν νοῦς λεπτὸς ἀλλ' ἐπίφθονος
λόγος διελθεῖν, ὥς Ἔρωσ σ' ἠνάγκασε
τόξοις ἀφύκτοις τοῦμὸν ἐκωῶσαι δέμας.*

In quibus interpretandis multum viri docti elaboraverunt¹⁾. Barnesius: at invidiosa erit mihi oratio percurrere, quomodo amor te coegerit; Musgravius: Malim σέ, ut regatur ab ἠνάγκασε. Idem: aequè commodum foret *λόγοις*, hoc fere sensu: et est quidem subtile ratiocinium sed verbis explicari invidiosum. Obicit Elmsleius, quod, si *λόγος* scripsisset poëta, verba hoc potius ordine collocasset: *σέ δ' ἔστι νοῦς λεπτὸς μὲν, ἀλλ' ἐπίφθονος λόγος διελθεῖν, ὥς ἔρωσ ἠνάγκασε*. Quod interpretari me nequire fateor. Brunckius secundum scholiasten: *καὶ σὺ μὲν, φησί, συνορᾷς, ἅτε δὴ λεπτὸν καὶ ὀξύν ἔχουσα τὸν νοῦν, ὅτι ἡ Ἀφροδίτη με ἔσωσεν. ἀλλ' ὑπὸ φθόνου ὁ λόγος σοὶ ὑποφέρεται, ὅς ἐστιν ἀληθής, τὸ 'σὸν ἔρωτα σέσωκέ με*. Barnesius *τὸ σὲ διὰ τὸν ἔρωτα σεσωκέναι με*, pro quibus Elmsleius mavult *τὸν σὸν ἔρωτα σεσωκέναι με*, probans ille quidem Brunckii interpretationem.

1) Cf. Elmsleium ad. vs. 516.

Sententia igitur haec esse debet: Et ipsa vides, ut es mente subtili, Venerem me servasse, sed ob invidiam sermo tuus, qui est verus, eo aberrat, ut tuum amorem me servasse putes. Aliter scholiasten interpretari vix possis, et sensus verborum est manifestus. Sed vereor ne in Euripidis verbis non insit. Sic hos versus constituendos esse puto:

σοὶ δ' ἔστι νοῦς μὲν λεπτός, ἀλλ' ἐπίφθονος,
λόγῳ διελθεῖν, ὡς Ἔρως σ' ἠγάγκασε etc.,

quae sic vertenda sunt: 'tibi autem mens subtilis vel callida illa quidem sed invidiosa est, i. e. odiosa, odium efficiens, — quod sermocinaris, amorem te coëgissem ut me serves.' Sic non subtilis mens et invidiosa oratio Medae inter se opponuntur, sed duae mentis qualitates significantur, quarum altera illo momento Medae verba effecit. — Nescio an Harungius, qui versus sic constitutos:

ὁ δ' ἔστι μὲν μοι λεπτός ἀλλ' ἐπίφθονος
λόγος διελθεῖν, ὡς Ἔρως σ' ἠγάγκασε etc.

ita vertit: Allein das ist so ärgerlich als treffend auch,

Beweis zu führen, dass die Lieb allein dich zwang —, ad hoc tempus alicui persuaserit. — Altera difficultas in eo est, quod pro 'τόξοις ἀφύκτοις' in codd. P. C., Dind. et in V superscriptum exstet 'πόνων ἀφύκτων.' Utramque scripturam, quam citat scholiasta¹⁾, antiquam esse Osannus putat. Sed utrumque suo iure est dictum, sive Veneris vim, quam nemo fugere possit, sive quanta sint Medae in Iasonem merita significare malumus. Cur Euripides ipse alterutrum mutavarit, non manifestum est. Elmsleius 'πόνων ἀφύκτων' genuinam Euripidis esse scripturam censet²⁾. Habuisse enim grammaticos unde hanc scripturam mutarent, cum et Med. vs. 634 — Elmsl. 620 — 'ἄφηνκτον οἰστόν', et Hipp. vs. 1422 'ἀφύκτοις τόξοις' legerent, si minus recte cui dictum videretur πόνων ἀφύκτων ἐκσῶσαι τινά'. —

2. Vs. 752: ὄμνυμι γῆν καὶ λαμπρὸν Ἥλιον φάος.

Variae scripturae sunt: Ἥλιον θ' ἀγνὸν σέβας B. C.

1) Ad. vs 529 Dind. — 2) Ad. vs 518.

λαμπρόν θ' ἥλιον φάος vel λαμπρόν ἥλιου φάος vel λαμπρόν ἥλιου τε φῶς P, in quo a correctore versus est additus. Hanc varietatem ex duabus ipsius Euripidis natam esse scripturis, vix credibile. Elmsleius Euripidem 'ἥλιουθ' ἄγρον φάος scripsisse putat, librariorum autem oscitatione inductum esse 'ἥλιου τε λαμπρόν φάος.' Ab hac scriptura, quasi a communi origine, alias facile derivari potuisse scripturas. Si omnino originem varietatis illius demonstrare audeamus, hoc Elmsleii conamen Osanni sententiae praeferendum puto esse.

3. Quod versu 1206:

ῥῖμωξε δ' εὐθύς, καὶ περιπτύξας δέμας

pro δέμας codd. P. C. χέρας legitur, utrumque Euripidem scripsisse putemus?

4. Vss. 1225—1227:

οὐδ' ἂν τρέσας εἴποιμι τοὺς σοφοὺς βροτῶν
δοκοῦντας εἶναι καὶ μεριμνητὰς λόγων
τούτους μεγίστην μωρίαν ὀφλισκάνειν.

Vs. 1227 Ald. habet *μωρίαν*. Codd. et Etym. Gud. pag. 231 *ζημίαν*. Duplicis recensiois non video indicium.

5. Vs. 1228:

Θνητῶν γὰρ οὐδεὶς ἔστιν εὐδαίμων ἀνὴρ.

Pro 'εὐδαίμων ἀνὴρ' Chr. patiens¹⁾ 'ὄλβιος φύσει' exhibet. Fortasse scriptor ignotus genuinam tradidit scripturam. Sed nec id scimus nec id scire in hanc disputationem multum interest, de quo prius dicta in memoriam revoces²⁾. Et hoc igitur argumentum infirmissimum est. — Iam videmus, in his quoque ne unum quidem probabile duplicis editionis inesse indicium. Etiam nunc igitur huic rationi fidem habeamus? An Osanno ipsi id accidisse putemus, quod iis, qui nimio studio duplicis recensiois vestigia indagandi correpti, in quacunque lectionis varietate evidentia rei indicia se reperire confidunt, accidere ipse contendit? Ad hanc licentiam, vix quidem, si talem sequeris rationem, vitandam,—

1) Vs. 1013 — Ell. 1016 —. — 2) cf. pag. 22.

qua quidem ratio ipsa corrui —, accedit, quod quam incerto saepe uteremur fundamento in Euripidis fabulis arte critica tractandis perploravimus. Codices, quibus utimur saeclo demum duodecimo ex libro fluxisse recenti atque graviter depravato et interpolato, scimus. Ex talium igitur codicum scripturis discrepantibus in hanc quaestionem nos aliquid esse profecturos putabimus? An Aldinae editioni immeritam tribuamus gravitatem? Itaque et hanc missam faciamus argumentationem.

V.

Nondum ad finem pervenimus huius disputationis. Cum nos, si recte disputatum est, ne unum quidem probabile, ne dicamus certum argumentum, quo iterum Medeam editam esse demonstrari posset invenerimus, ii qui pro duplici editione pugnent, annum quoque ostendunt, quo iterum fere Medeam Euripides in scaenam miserit. Boeckhius¹⁾ iteratam editionem factam esse contendit 'post Ol. XCI, 3, quo anno docta Thesmophoriazusae, 'cuius vs. 1019 coll. Musgrav. Chronol. Scenic. Ol. XCI, 2 et 3.' Primum monendum est, Thesmophoriazusae non Ol. XCI, 3 in scaenam esse missas, sed anno demum Ol. XCII, 1 Dionysiis urbanis²⁾. Ex Boeckhii igitur sententia post Ol. XCII, 1 demum Medea iterum est edita. Inter primam igitur et alteram editionem, si eum sequimur, viginti annorum spatium interpositum est, inde ab Ol. LXXXVII, 1 ad Ol. XCII, 1. Iam vero, potestne cogitari, Euripidem tot annis post Aristophanis irrisione commotum esse, ut Medae suae aliam inderet formam? Et, ut ponamus, sive Aristophanis iocis sive Corinthiorum pecunia commotum eum esse, ut Medeam iterum ederet, — potestne cogitari, singulas tantum fabulae partes, quae ad mortem

1) l. c. pag. 174. — 2) Cf. schol. ad vs. 1069: *ἐπεὶ πέρυσιν ἐδίδαχθη ἡ Ἀνδρομέδα*, quam Ol. XCI, 4 actam esse, ex schol. Ar. Ran. 53: *ἡ γὰρ Ἀνδρομέδα ὀγδόῳ ἔτει* — ante Ol. XCIII, 3 — *προεισῆκται* constat; vid. Dindorf. Chron. Scen. pag. 418. 19.

liberorum pertinerent eum mutasse, dum has, quae per totam fabulam illic tendant, immutatas relinqueret, eas nempe, quae matris inter amorem liberorum et mariti odium maxime agitatae partibus fabulae summum movendae spectantium misericordiae momentum tribuant. Si illa poëta mutabat, totam fabulam aliter componere debebat. — An credendum est, poëtam illum quem, quantum semper temporum rationem habuerit, Boeckhius explicat¹⁾ in alteram editionem eas temporum rationes transtulisse, quae nisi in priore editione aptum locum tenere nequeant. Ol. LXXXVII, 1 primum edita est fabula, i. e. anno, quo bellum illud universae Graeciae tam perniciosum instabat. Praecesserant pugnae illae Epidamni ortae, Corinthiorum in Athenarum hegemoniam invidia productae atque auctae. In omnium etiam ore erant discrimina inter Athenas et Potidaeam, Corinthiorum coloniam sed Atheniensibus stipendiarium, eadem Corinthiorum agitationibus producta²⁾. Denique, Atheniensibus sat multae erant causae, cur maxime Corinthiis irascerentur. Iam Medeam legamus! Quam praeclare talibus temporibus accommodatae sunt chori lamentationes, qui vss. 410 sqq. haec evocat:

*ἄνω ποταμῶν ἱερῶν χωροῦσι παγαί
καὶ δίκαια καὶ πάντα πάλιν στρέφεται.
ἄνδράσι μὲν δόλιαί βουλαί, θεῶν δ'
οὐκέτι πίστις ἄραρε.*

vs. 439: *βέβακε δ' ὄρκων χάρις, οὐδ' ἔτ' αἰδώς
Ἑλλάδι τᾷ μεγάλᾳ μένει, αἰθερία δ' ἀνέπτα.*

Non unius poëtae, — omnium bonorum civium his manifestantur sententiae ac sensus de foederibus solutis, de perfidia atque impudentia, quae iam pro vetere fide grassentur. Haud inepte huc quoque refert Weckleinus colloquii illius inter Medeam et Aegeum formam diplomaticam — si barbaro hoc vocabulo uti licet —, qua, quae inter Corcyraeos

1) l. c. pag. 175 sqq. vid. supra pag. 6. 7. — 2) cf. Thucyd. I 56—66

et Athenienses de foedere contra Corinthios pangendo Athenis acta sint, in spectantium memoriam revocentur ¹⁾. Atque his opponuntur laudes, quibus tertio stasimo, inde a vs. 824, chorus Atheniensium terram praedicat, qua novem Musas ipsas Harmonia aluisse dicitur, qua Venus rosearum sorta capillis innectens Sapientiae comites sociaverit Amores, cuiusvis virtutis adiutores, qua pulchri atque honesti studium colatur, nec scelestis incedere liceat. Cf. vss. 830 sqq.:

ἐνθα ποῖ' ἀγνὰς
ἐννέα Πιερίδας Μούσας λέγουσι
ξανθὰν Ἀρμονίαν φντεῦσαι.
vss. 846 sqq.: πῶς οὔν ἱερῶν ποταμῶν
ἢ πόλις ἢ φίλων
πόμπιμός σε χώρα
τὰν παιδολέτειραν ἔξει,
τὰν οὐχ ὀσίαν.

Nonne Periclis tempora clarissimis his laudibus efferuntur, quibus Athenis artes et litterae cum virtute civili de corona certabant? An putandum est, haec Euripidem eo tempore scripturum fuisse, quo res Atheniensium sic erant turbatae, ut summa anarchia Athenis floreret, quo non solum externi hostes patriam opprimerent, sed intestina maxime discordia ordo ac salus pessum daretur; quo Euripides ipse tanto status, quo erat res publica, taedio afficeretur, ut alienorum hominum consuetudinem atque amicitiam quaereret, sine qua senili aetate cum otio et dignitate frui non licet. —

Sed haec quidem hactenus. Quocunque te verteris, nusquam argumentum invenies satis certum, aut veri simile, quo demonstrare possis, Euripidem Medeam iterum edidisse, aut omnino causam habuisse, cur iterum ederet. Nisi alia certiora afferantur argumenta in eo acquiescendum nobis esse censeo, Medeam, quam habemus, eandem esse, quae Ol. LXXXVII, 1 in scaenam missa est.

Quod optime cum iis convenire, quae in universum de

1) Cf. Thucyd. I. 32—44.

Euripidearum fabularum chronologia nota sint, brevibus exponendum est.

VI.

Mentionem supra fecimus Hermannii sententiae¹⁾, qui 'critico, antequam ad fabularum emendationem accedat, quo quaeque tempore scripta sit, et proinde, quantum in quaque studii aut incuriae ferri possit', investigandum praecipit. Inter priores enim et posteriores fabulas cum Sophoclis tum Euripidis magnum nec casu intercedere discrimen; Aeschylō enim iam dudum mortuo, 'cum furiose tragoediis delectarentur Athenienses' copiam exstitisse illorum poëtarum, qui etsi corrumpere tragicam artem, tamen haud displicerent plebi, unde effectum esse, ut ne meliores quidem poëtae illud studium illamque diligentiam, qua ante essent usi, retinerent. Quam mutationem factam esse Ol. XC et XCI. Investigandi autem temporis, ubi veterum ipsorum desunt testimonia, non unum exstat indicium. Notum est, Euripidem, — Sophoclem missum faciamus —, in componendis metris longe aliam secutum esse rationem in prioribus quas scimus tragoediis, atque in posterioribus. Cum illarum metra Aeschyleis ac Sophocleis similia sint metris, in postremis maior est metrorum varietas, et quod imprimis est commemorandum, cum posterioribus plurimae in trimetris reperiantur solutiones, in prioribus eiusmodi exstant rarissimae. De quo conf. Ioh. Rumpelii comentationem²⁾, qui hunc secundum solutionum numerum constituit fabularum ordinem:

| Fab. | trimetr. numer. | solut. |
|---------|-----------------|--------|
| Hippol. | 1042 | 62 |
| Alcest. | 803 | 53 |
| Medea | 1037 | 74 |
| Heracl. | 895 | 66 |
| [Rhes. | 687 | 63] |

1) Cf. pag. 6 — 2) Die Auflösungen im Trimeter des Euripides, Philol. XXIV, 1866 pag. 407 sqq.

| Fab. | trimetr. numer. | solut. |
|--------------|-----------------|--------|
| Andr. | 956 | 152 |
| Suppl. | 950 | 175 |
| Hecub. | 917 | 182 |
| Electr. | 982 | 205 |
| Herc. f. | 1001 | 244 |
| Ion | 1053 | 362 |
| Iphig. Taur. | 1077 | 310 |
| Phoen. | 1194 | 412 |
| Hel. | 1266 | 443 |
| Cycl. | 587 | 239 |
| Bacch. | 927 | 398 |
| Iph. Aul. | 882 | 368 |
| Orest | 1195 | 577 |

En, quantum inter Hipp., Alcest., Heracl., et Bacch., Iph. Aul., Orest, intercedat discrimen. Medeam autem inter priores fabulas esse habendam, tabula docet. Conferas alteram quoque Rumpelii commentationem¹⁾, ex qua apparet Medeam omnium Euripidearum fabularum eam esse, quae plurimos habeat trimetros iambicos, in quibus nullae reperiuntur solutiones, nempe LXVI, qui quidem numerus cum Aeschylei Promethei et Sophoclei Oedipi Col. ratione convenit. —

Prorsus nova argumenta, quae inter priores fabulas et posteriores intercedant discrimina diiudicandi ex Tych. Mommseni commentatione nuper allata, colligere licet²⁾. — In qua inter alia id quoque numeris demonstratur, inter priores Aeschyli et posteriores Euripidis fabulas tantum, quod ad praepositio-num attinet usum, interesse, ut, cum in Aeschyli Persis fere sexto quoque versu, — 6, 52 —, praepositio reperiatur, in Euripidis Bacchis iam tertio quoque, — 3, 77 —, versu extet praepositio; Sophoclis et Aeschyli reliquos medium tenere, — 5,41 — 4,67 —; Euripidearum autem priores, id

1) Philol. XXV pag. 471 sqq: Zur metrik der tragiker. 1. Rein iambische trimeter. — 2) Entwicklung einiger Gesetze für den Gebrauch der griechischen Präpositionen etc.

quod nostra maxime interest, Sophocleas fabulas et Aeschyli posteriores aequiparare: Med. 5,86 —, Heracl. 5,38 —, Hec., Herc. f., Alcest., Hipp., Cycl., 4,88 — 4,63; in posterioribus autem multo plures adhiberi praepositiones, 4,43 — 3,77; hoc ordine: Phoen., Ion, Troad., Suppl., El., Iph. Aul., Iph. Taur., Orest., Hel., Andr., Bacch. — Altera quam demonstravit Mommsenus, lex haec est: 'das Vorwalten des Dativs bei Präpositionen gehört der älteren und der poetischen, das des Accusativs der jüngeren Sprache und der Prosa, das des Genetivs den rhetorisch-philosophischen Elementen in Poësie und Prosa'; docemur, dativum post praepositiones apud Aeschylum praevalere; apud Sophoclem genetivum, ad quem in Philocteta accusativus accedat, apud Euripidem accusativum in posterioribus, cum priores ad Philoctetae rationem propius accedant. Sed et in illis non nisi paullatim accusativum imperium occupare, dum genetivus ac dativus reprimantur, haec tabula, ex meis collectaneis prius in alium usum factis manifestum reddat. — Numeri significant, quota pars omnium in unaquaque fabula casuum obliquorum, ex praepositionibus pendentium, singulis casibus sit tribuenda:

| Fab. | acc. | gen. | dat. |
|-------------|------|------|------|
| Heracl. | 3,17 | 2,80 | 3,11 |
| Alcest. | 3,09 | 3,17 | 2,61 |
| Med. | 3,0 | 2,38 | 4,05 |
| Hecub. | 2,95 | 3,04 | 3,09 |
| Andr. | 2,63 | 2,57 | 4,30 |
| Hippol. | 2,61 | 3,08 | 3,04 |
| Troad. | 2,61 | 3,15 | 3,33 |
| Iph. Thaur. | 2,59 | 2,77 | 4,0 |
| Bacch. | 2,50 | 3,65 | 3,06 |
| Cycl. | 2,48 | 3,89 | 2,94 |
| El. | 2,44 | 3,38 | 3,38 |
| Ion | 2,39 | 3,37 | 3,5 |
| Hel. | 2,32 | 3,79 | 3,16 |
| Suppl. | 2,26 | 3,70 | 3,35 |

| Fab. | acc. | gen. | dat. |
|-----------|------|------|-------|
| Phoen. | 2,24 | 3,46 | 3,74 |
| Iph. Aul. | 2,2 | 3,75 | 3,58 |
| Orest. | 2,19 | 3,17 | 4,38 |
| Herc. f. | 2,14 | 3,77 | 3,77. |

Quod in Alc. et Cycl. dativus tantum praevaleat Momm-senus ad artificiosam elocutionem dramatis satyrici referen-dum putat. In Heracl. Med. Andr. genetivus etiam prae-valet, deinde paullatim accusativus imperium obtinet, Hec. Hipp., etc. Genetivus et Dativus in posterioribus aequas tenent partes. — Quanti harum rationum cognitio momenti et in diiudicandis iteratis editionibus sit, apparet. Itaque haec hactenus.

Epimetrum I.

Medeae versus 846 sqq., pag. 33 citati, sic vulgo le-guntur:

*πῶς οὖν ἱερῶν ποταμῶν
ἢ πόλις ἢ φίλων
πόμπιμός σε χώρα
τὰν παιδολέτειραν ἔξει
τὰν οὐχ ὁσίαν μετ' ἄλλων;
σκέψαι τεκέων πλαγάν,
σκέψαι φόνον οἷον αἶρει.*

Iam scholiasta versu 850 legisse videtur: μετ' ἄλλων, cum ad vs. 851 haec adnotet: *πλαγάν· τὴν πληγὴν, φησί, τὴν τῶν τέκνων καὶ τὸν φόνον μὴ προπετῶς δράσης, ἀλλὰ πρότερον μεθ' ἡμῶν ἢ ἄλλων τινῶν σκέψαι, εἰ τοῦτο χρή σε δρᾶσαι.* Sed quam languide verba illa dicta essent, non pauci fuerunt, qui intelligerent; ac diversissimas explanandi locum vias ingressi sunt viri docti, ut quisque aut ad prae-cedentem aut, quod et scholiasta censuisse videtur, ad inse-quentem sententiam 'μετ' ἄλλων' referenda esse sibi persua-sit. Videamus quid de priore ratione sit iudicandum. Qui vulgatam lectionem, ut Weckleinius, servant, verbis 'τὴν οὐχ ὁσίαν' opponi putant 'μετ' ἄλλων' sc. *ὁσίων ὄντων*. Sed vereor ne, ubi verba premimus, — ut de durissima elocutione

taceam —, minus ‘μετ’ ἄλλων sc. ὁσίων ὄτων’ quam ‘μ. ἄλλων sc. οὐχ ὁσίων ὄντων’ ex praecedentibus supplere debeamus, qua quidem ratione tota pervertitur sententia. Quod si cui argutius quam verius videatur disputatum esse, monendum est, longe aptius ea quae verss. 846—48 praedicentur, ἡ ἱερῶν ποταμῶν πόλις — πόμπιμος χώρα’ Medae ‘τῇ οὐχ ὁσίᾳ, τῇ παιδολετείᾳ’ opponi. Qua de causa nec eo, quod Elmsleius¹⁾ proposuit: ‘μεθ’ ἀγνῶν’, nec, quod Jacobsius²⁾ ‘μετ’ ἀστῶν’, rem explanatam esse putaverim; quod et in Hermannum cadit, cuius coniectura ‘τὰν οὐχ ὁσίαν μέγ’ ἄλλων’ vix quid habet probabilitatis. —

M. Hauptius³⁾ audaciorem quam probabiliorē protulit sententiam, cum hoc Euripidem scripsisse putet: ‘τὰν οὐχ ὁσίαν μεταλλᾶν’, quod sic esse vertendum: ‘quam pro scelere suo nefas est adloqui’. Atque nititur Hauptius, ut usum illum alias inusitatum verbi ‘μεταλλᾶν’ comprobet, loco quodam Pindari, Ol. VI, 61, ubi haec leguntur:

ἀντεφθέγξατο δ’ ἀρτιεπής

πατρία ὅσσα, μετάλασέν τέ νιν ὄρσο τέκνον

δεῦρο πάγκοινων ἐς χώραν ἔμεν φάμας ὀπισθεν.

Sed primum, quid verbum ‘μετάλασέν’ apud Pindarum significet, apud viros doctos prorsus non constat, cum alii mutationem alii hanc illam interpretationem praeferant. Sed, etiamsi eam, quam Hauptius adoptat, significationem concedamus, gravissimae restant dubitationes, et graecis verbis et Hauptii versione motae, qua quid faciam, vix scio. Verba ‘τὰν οὐχ ὁσίαν μεταλλᾶν’ latinis verbis reddita hoc significant: ‘eam non (tam) sanctam, quae (ipsa) adloquatur,’ — quod tamen quomodo in hos versus quadret nescio. Sed prorsus alio modo Hauptius vertit, si ‘adloqui’ verbum transcribimus: ‘eam non (tam) sanctam, quae (ab aliis) adpellatur’, quod quidem unice aptum esset, cum de muliere agatur, vix digna, quacum alii conloquantur, quae adpelle-

1) Mus. crit. II pag. 29. — 2) Animadv. in Eur. pag. 25. — 3) Hermes V, 178

tur. Sed tum si hoc significare volebat Hauptius, non activo verbo vel deponenti, sed passivo uti debebat, aut verum sic constituere:

ἂν οὐχ ὅσιον μεταλλῶν

quod tamen non erat vertendum 'quam pro scelere suo nefas est adloqui' quam 'pro scelere eius'. Videmus igitur hanc quoque coniecturam vix posse defendi. — Veram emendandi viam primus Samuel Petitus¹⁾ videtur ingressus esse, cum verba illa ad insequentem verum pertinere recte opinatus sic tamen scribendum putet: μεταλλῶν Σκέψαι τεκεῶν πλαγάν, i. e. 'accurate perpendens considera, quid facias', — quod ferri non posse statim apparet, cum participii genere feminino de Medea uti nos necesse sit — Imperativum scribendum conicio: 'μετάλλα', qui et cum sequentibus congruit et in chorum Medeam monentem optime quadret: 'Perpende, considera, qualem committas caedem.

Epimetrum II. Ad pag. 22 vs. 1 sqq.

Quantum eiusmodi sententias et forma simillimas Euripides adamaverit, duorum fragmentorum docet analogia.

1. Frgt. 62 D. Orion Flor. 1,3 pag. 41,9:

μισῶ σοφόν

ὄντ' ἐν λόγοισιν, ἐς δ' ὄνησιν οὐ σοφόν.

2. Frgt. 879 D. Ar. Ran. 1427:

μισῶ πολίτην ὅστις ὠφελεῖν πάτραν

βραδὺς φανεῖται μεγάλη δὲ βλάπτειν ταχύς etc.

qualia a posterioribus facillime poterant commutari et ad falsos locos referri.

Epimetrum III. Liceat in appendicis loco hic pauca diiudicanda proponere, quae cum in Euripidis in adhibendis praepositionibus usum inquirerem, disputandi ansam ac materiam praebere viderentur.

I. Praepositio *μετά* his locis aut falso in codd. est tradita, aut certe habet, quod commemoratione dignum sit:

1. Hecuba 503. 4:

1) Miscell. II 20.

*Ταλθύβιος ἦκω, Δαναϊδῶν ὑπηρέτης,
Ἀγαμέμνονος πέμψαντος, ὃ γύναι, μέτα.*

Scholiasta ad vs. 503 haec adnotat: *Ταλθύβιος ὁ τῶν Ἀχαιῶν κῆρυξ ἦκω, μετακαλεσαμένον σε, ὃ γύναι, τοῦ Ἀγαμέμνονος.* W. Pierson¹⁾ hanc, quam dicit, praepositionis tmesin anastrophicam eo defendi vel potius commendari censet, quod hac praepositionis positione nuntii vis et auctoritas augeatur; pronomēn 'σε', quod nonnulli, — cum scholiasta —, addiderint post 'πέμψαντος', subaudiri necesse non esse, cum 'μεταπέμπειν' etiam idem sit quod germanice 'nachsenden'. Quam tamen sententiam nulla ex parte posse probari, Nauckius docuit²⁾, etsi ipse diiudicare se nequire dicit, quomodo locus sanetur. Elegantissimam coniecturam proposuit M. Seyffert³⁾ qui pro 'μετά' scribit 'με σοί', quo et cum sequentibus conexus firmior reddatur. Sed quamvis haec arrideat sententia, nescio an non et hic ut aliis locis duas praepositiones mutatas esse putem, ac quod Dindorfius proposuit, pro 'μετά' 'πάρ' sit scribendum, quo omnis tollitur difficultas.

2. Hecuba 354:

*δέσποινα δ' ἡ δύστιγος Ἰδαίαισιν ἦν
γυναιξὶ παρθένοις τ' ἀπόβλεπτος μέτα
ἴση θεοῖσι πλὴν τὸ κατθανεῖν μόνον.*

Sic codd. M. A, nisi quod M a. m. s. habet τ', V *παρθένοισι*. — Pro 'μέτα' Canterus 'μέγα' scribendum proposuit. Dindorfius pro dativo genetivum commendat 'παρθένων', ut 'feminis una cum virginibus' vertas, quae quidem ratio eo firmatur, quod undesexaginta illis fabularum Euripidearum locis quibus poëta ad societatem quandam significandam 'μετά' praepositione cum substantivis vel pronominibus personalibus coniuncta usus est semper genetivus legitur, excepto hoc Hecubae loco. Sed puto, hunc unicum locum apud Euripidem statuere nobis licere, quo significatio prima et homerica *μετά*

1) Rh. Mus. XI, 272. — 2) Eur. Stud. I pag. 12. — 3) Rh. Mus. XVII pag. 48.

c. dativo praepositionis servata sit: 'in mediis mulieribus et virginibus'; quocum scholiastae adnotationem conferas: ὑπῆρχον δὲ ἡ δύστηνος δέσποινα ἐν ταῖς Ἰδαίαις γυναιξίν, ἐν παρθένοις τε περιφανής.

3. Iph. Aul. 1110: Agamemnon filiam immolaturus Clytaemnestram his adloquitur verbis:

ἔκπεμπε παῖδα δωμάτων πατρὸς μέτα.

Clausulam versus corruptam videmus. Paleius hanc proponit emendationem:

ἔκπεμπε τὴν σὴν παῖδα δωμάτων πάρος.

Fortasse minore verborum mutatione sic versus est constituendus:

ἔκπεμπε παῖδα δωμάτων ἔξω πατρός.

Cf. Phoeniss. vs. 1004. 1322.

4. Suppl. 1115 sqq. Nauckius sic constituit:

λάβει, ἀμφίπολοι
γραιάς ἀμενοῦς· οὐ γὰρ ἔνεστιν
ῥώμη παίδων ὑπὸ πένθους
πολλοῦ τε χρόνου ζώσης μέτα δὴ
καταλειβομένης τ' ἄλγεσι πολλοῖς.

Vs. 1118 cod. P. δὴ χρόνου σώξεις, C. δὴ ζώσης, Musgravius pro 'μετά' 'μέτρα', Hartungius pro δὴ 'τέ', Dindorfius 'δέ'. Primum videndum est, utrum 'μετά' praepositio servanda an reicienda sit. Si servamus, quod Nauckius fecit, sic construenda est sententia: οὐ γὰρ ἔνεστι ῥώμη μετὰ (τῆς) πολλοῦ χρόνου (i. e. ἐκ πολλοῦ χ.) ζώσης κ. τ. λ., quae tamen ob insolitum genus dicendi vix possunt probari, cum et verbum 'ἔνεστι' cum 'μετά' praeter consuetudinem coniungatur, et genetivus πολλοῦ χρόνου, pro quo accusativum, exspectamus, displiceat. Itaque Musgravius sequentes 'μέτρα' recipiamus, unde genetivus 'πολλοῦ χρόνου' pendeat. Tum sic constituenda esset sententia: οὐκ ἔνεστι ῥώμη (τῆς) πολλοῦ χρόνου μέτρα ζώσης, ubi 'ἔνεστι' pro 'ἔστι' dictum esset, et eadem ratio parum usitata ac dura, prae verbi 'ἐνεῖναι' cum dativo constructione, — quam et hic praetulerim: ζώση καταλειβομένη. Totum igitur locum sic Euripidem composuisse puto:

λάβετ', ἀμφίπολοι
 γραίας ἀμενοῦς· οὐ γὰρ ἔνεστιν
 δρώμη παίδων ὑπὸ πένθους
 πολλοῦ τε χρόνον ζώσῃ μέτρα δὴ,
 καταλειβομένη τ' ἄλγεσι πολλοῖς.

Cur pro 'καταλειβομένης' Nauckius 'κατατριβομένης' vel 'κατατροχομένης' scribere malit, causam non video.

II. Duobus locis 'ὑπέρ' praepositio pro 'ὑπό' per errorem videtur esse tradita, de quo certum iudicium ferre non licet, nisi Euripidis in adhibenda illa praepositione usu perplorato.—

'Υπέρ c. gen. 81 locis legitur apud Euripidem, 75 tra-goediarum integrarum, 6 fragmentorum locis, atque his quidem significationibus:

I de spatio:

a. de quiete in loco, über, oberhalb: Hec. 37; Suppl. 31, 1046; El. 1233; Ion. 1209; Bacch. 880, 899; Herc. fur. 817; Phoen. 227; Iph. T. 26, 1140; Rhés. 886; Alc. 45; frgt. 310 vs. 2 D.

b. de motu per spatium, über hin: Suppl. 28; El. 459; Phoen. 210; Bacch. 870; Or. 1187; frgt. 582 v. 4.

II tropice, quae ratio ex significatione sub I a illustrata derivatur:

a. ὑπέρ, für, zum Schutze, post verba et substantia pugnandi: ἀγωνίζεσθαι, μάχεσθαι, εἰς ἀσπὶν ἐλθεῖν etc.: Hel. 844; Phoen. 1002, 1326; στρατηλάτης ὑπὲρ γῆς Orest. 574. Quaecum ratione arctissime cohaeret:

b. ὑπέρ, für, um willen, zum Besten, in commodum, in utilitatem etc.; saepissime post moriendi, laborandi et sim. verba: θρήσκειν ὑπέρ τινος: Troad. 387; Hec. 310; Andr. 410; Herc. f. 577; Heracl. 532, 545; Orest. 1232, 1334; Iph. Aul. 312, 1389; Alc. 284, 690; frgt. 362 vs. 18; διολλύναι, ἀπολλύναι, ἀπολέσθαι, κτείνειν, θύειν, σφάττειν, θῦσαι διδόναι, πονεῖν etc.: Troad. 370; Hec. 30, 139; Andr. 317; El. 1067, 1125; Ion. 293; Heracl. 331; Phoen. 912, 1056; Or. 656, 676; Iph. Aul. 1457, 1553; frgt. 384 vs. 4; frgt.

250, 3; cum gen. pronominum: Ion 1283; Herc. fur. 172; Phoen. 1238; Heracl. 164.

c. *ὑπέρ* für, pro, post petendi, orandi verba et substantiva: Hel. 896; Bacch. 361, 2; Heracl. 757; Or. 673.

d. *ὑπέρ*, über, de, post dicendi verba: Andr. 670; Iph. T. 766; Or. 1056; Iph. Aul. 641, 811.

e. *ὑπέρ*, für = *ἀντί*, accedente utilitatis, gratiae, commodi significatione: Or. 1134; Suppl. 1190; Bacch. 41.

f. *ὑπέρ*, de, über, um, post verba quaedam et substantiva animi perturbationes significantia. Androm. 1270:

παῦσαι δὲ λύπης τῶν τεθνηκότων ὑπερ.

Hippol. 158: *λύπα δ' ὑπὲρ παθέων*

Hippol. 258: *τὸ δ' ὑπὲρ δισσῶν μίαν ὠδίνειν
ψυχὴν χαλεπὸν βάρος*

Or. 968: *ἔλεος ἔρχεται ὑπὲρ τῶν θανουμένων*

Iph. Aul. 460: *ὡς γυναῖκα δεῖ ξένην*

ὑπὲρ τυράννων συμφορᾶς καταστένειν.

Troad. 38: *δάκρυα χέουσα πολλὰ καὶ πολλῶν ὑπερ* —.

Quibus locis adiungam Troad. 830: *οἷον οἰωνὸς*

ὑπὲρ τεκέων βοῶ.

Iam vero duo extant loci apud Euripidem, quibus *ὑπὲρ* praepositionis ea significatio, quam locorum illorum postulat ratio, ad nullam earum, quas illustravimus, rationum possit referri, nec ex iis derivari.

Eur. Suppl. 1125: *βάρος μὲν οὐκ ἀβριθὲς ἀλγέων ὑπερ.*

Andr. 490: *κτείνει δὲ τὴν τάλαιναν*

δύσφρονος ἔριδος ὑπερ.

Kuehnerus¹⁾ haec explicat: *ὑπὲρ* dient zur Angabe einer innern geistigen Ursache, wo gewöhnlich *ὑπὸ* c. gen. gebraucht wird, als *ὑπὲρ πένθους*, *ὑπὲρ παθέων*; Eur. Suppl. 1125. Andr. 490'. Sed duas rationes vir doctus videtur turbasse. Nam, ubi talia qualia sunt *ὑπὲρ πένθους*, *ὑπὲρ παθέων*, tam absolute usurpantur, ut idem efficiant, quod *ὑπὸ πένθους*, *ὑπὸ παθέων*, — qualia quidem haud raro apud Euripidem

1) Ausführliche Grammatik der griechischen Sprache, II, 421.

leguntur? An forte Kuehnerus, cum omnia illa exempla ex Euripide hauserit, et illud *ὑπὲρ παθέων* Euripidi debet, Hipp. 158, quo tamen loco ab praecedente substantivo verba illa pendere, sub f antea demonstravi. Illae igitur analogiae nullae sunt, — nec puto, ex variis *ὑπὲρ* praepositionis significationibus ullo modo eas rationes posse derivari, quas Supplicum et Andromachae locis exspectamus, priori *prae, prae doloribus* altero *ex, ἐξ*, quam utramque rationem *ὑπὸ* praepositio coniungit. Illo loco iam Fixius *ὑπὸ* scribendum esse commendaverat, quem secutus est Dindorfius, non sequente Nauckio. Altero loco Hermannus praepositionem *ἐξ*, — *ἐξ ἔριδος*, alio tempore *ἀμφὶ ἔριδος* —, recepit, quae ratio et accuratiore strophae responsione commendatur. Sed facilius quomodo ex: *ἔριδος ὑπὸ*, quam quomodo ex: *ἐξ ἔριδος* id quod traditum est *ἔριδος ὑπὲρ* nasci potuerit intelligitur.

Corrigenda.


pag. 10 vs. 31: *πρὸς* — *ἐξοπλιζόμεσθα*


„ 12 vs. 22: *ἐκμεμύχθηται*


Natus sum Theodorus Adolphus Joannes Klette Crossenae ad Viadrum a. d. XI cal. Apr. anni h. s. LI, patre Ferdinando, qui nunc superintendentis munere Posnaniae fungitur, matre Emma e gente Boumanniae. Fidei sum addictus evangelicae. Anno h. s. LVIII in gymnasium Posnaniense sum receptus, cuius scholas per XII annos frequentavi, Marquardtio, Sommerbrodtio, Schapero rectoribus. Anno LXX, maturitatis testimonio accepto, primum ad mensem anni LXXI Aprilem stipendia feci; deinde Jenam me contuli, ut studiis philologicis operam darem. Atque adii scholas virorum illustrissimorum Bursiani, Delbrueckii, C. Fischeri, Gaedechensii, Nipperdeii, A. Schmidtii, B. Schmidtii, M. Schmidtii, seminarii philologici sodalis fui per semestre extraordinarius, per duo spatia semestria ordinarius. Biennio Jenae absoluto, Lipsiam me contuli, ubi scholis interfui G. Curtii, L. Langii, Ritschelii, Zarneckii. Exercitationes autem frequentavi societatis Ritschelianaе per quatuor spatia semestria; per duo seminarii phil. reg. sodalis ordinarius, paedagogici seminarii, rectore Ecksteino, extraordinarius, seminarii germanici per semestre sodalis extraordinarius fui. Quibus viris omnibus debitas habeo gratias semperque pio animo habebo.

Typis Ferberi et Seydelii, Lipsiae.









LIBRARY OF CONGRESS



0 003 047 969 5

